

程

茂山堂

集

國



茂山堂詩草序



戊子粵之役闈中得梁子卷淡而遠華而不靡私
心竊喜其善學意其人必深于詩者也既而梁子
來謁乃穆菴先生小阮以世交往來益密而梁子
恂謹靜穆言訥訥如不出諸口則又疑之豈其不
能詩耶何以絕不言也今年春計偕來都始以其
所為茂山堂詩集贄閱之與其闈書相類皆時時
見古人情貌乃大喜過望益信人惟不言詩而其
所得於詩乃深也夫詩之道與政通而其效先見

於言人不學詩無以言而吾謂多言者先已不能
詩何者其學已可知也昔高適年五十始為詩即
工夫五十始為詩則未五十不言詩矣而詩何以
工蓋其學已五十年也今人未嘗知學甫叶聲韻
即矢口言詩若可以才人自命者然至讀其詞則
滑而鄙按其氣則浮而薄詎惟其詩之不工即異
日之施諸政者舉可知矣梁子以聰明絕世之姿
讀書養氣蓋已有年而連不得志于有司于是走
吳楚跋涉燕齊雍豫間歷覽寓內名山水以暢其
胸中鬱勃之氣而復于所至之險阻情偽靡弗備
嘗而周知之蓋其視天下事無一可以易言者以
故發而為詩文視古人無多讓而其恂謹靜穆自
如也予是以喜梁子之學深而養厚也今梁子果
能一舉成進士乃復不得與於木天之選人皆以
為憾然入知制誥必長於言授之以政吾知其達
矣梁子歸試質之穆菴先生當不河漢吾言也康
熙四十有八年己丑夏五朔內閣中書舍人東里
劉曰桂序

茂山堂詩草序

嶺南詩人自曲江而後代有著稱明初南園五君子上祖風騷嗣音唐響厥後區氏昆弟繼之相沿至于末年猶錚錚弗替故翁山屈氏元孝陳氏梁藥亭先輩咸能雲起霞蔚自名其家蓋自勝國迄于我朝數十年間莫不宗仰余嘗論之嘉萬之間王倡于吳李和于齊鍾譚變于楚故時會有遷流風雅有升降若粵東一角源正派直先民之矩矱獨至今存焉不染于外習故也同年新會梁先



生道始邃深學問發為詩詞能揮斥其才情而又
講求夫格律既登燕臺弔荆卿之遺跡遊吳都咏
白下之故墟入秦蜀歌函關棧道之阨塞皆足抒
寫性靈激發志意斯真所謂源流古人而不染外
習者歟吾友依園出宰新會與匏容韜谷同之官
署更相唱和每論列時賢皆不輕假借獨于梁先
生服膺之不置展卷披帙親挹其藻思卓傑有如
此乎宜為諸君子之所服膺矣先生之才應早陟
天衢而顧乃遲之然承明青瑣先生即當翔步其
間以此倡導于上胥天下而識風雅之宗旨唐人
之遺意不但區區守嶺表之風氣已也康熙己丑
夏五嘉定年弟張大受拜序



茂山堂詩序

曩與藥亭先生為忘年之交因得盡讀翁山元孝之詩竊以為東南詞客半在嶺海余雖足跡徧天下然未嘗一度梅關此心殊怏怏也丁亥夏出宰古岡視事之暇即以振興文教為先務季有考月有課試必有詩而邑之紳士講求風雅者亦相率聯社結會爭為長句歌行送余訂其高下而藉以鼓舞其後學焉余評較最嚴人服其當而梁子道始每不出三人內詢之即藥亭穆菴令姪家學淵

源閉戶自好余藉與詩酒往來而道始亦非公不
至也戊子秋道始雋桂闈計偕北上出其全藁問
世請序於余余受讀終編其取材也宏而博其立
格也樸而老其命意也遠而旨其措詞也麗而不
靡艷而不纖置之高岑溫李集中幾不能辨自此
捷南宮入承明以高華偉俊之才寫清廟明堂之
什吾於道始有厚望且不僅以詩人目之矣戊子
嘉平長洲弟顧嗣協拜手書



茂山堂詩集序

家姪道始歸自燕邸持其篋中所存五七言各體
詩詣余余亟讀之見其嶽奇磊落去陳抽新百出
而不窮也掩卷歎曰信乎詩之果以窮而益工乎
使道始一上金臺卽入選鳳池日候光範門躡花
磚影珥筆作應制文方酬答之不暇顧何能爲詩
卽偶一爲之亦不過戛玉鏘金鳴珂響珮侈其高
華已耳又何能役思鞭心窮幽極渺寫巖岫之邃
窅狀烟嵐之變幻以至草木昆蟲無不曲盡其情

茂山堂詩草
態光怪陸離一至此哉雖然道始之詩奇已其文
抑又奇自其列庠序爲諸生數歷科歲試至舉明
經第無弗冠其一軍文字之靈殆不可遏皆其窮
時所作則然今復鍛羽而歸頽唐自放吟嘯於山
陬水隅間益固其窮吾見其所學日進更將有出
天心而穿月脇者乘方壯之年鼓無前之氣安知
不有孫陽歧而俟諸冀北者乎道始勉之窮久則
通循環之理則然然則詩亦安能窮人哉丙子花
朝鬱洲叔佩蘭藥亭氏序

題詞

詩社南園舊典型三家筆

氣發新硯屈陳徃矣風流

絕猶聽人呼小藥亭

春浪厓門歌哭裏秋雲綠
護有無間他年若續岡州

州我欲編詩首茂山

家兄有岡州遺稿之刻

長洲顧嗣立俠君甫

茂山堂詩草

江門梁

迪道始甫著

擬古

谷風侵晨吹感念舊朋好聚散亦何常
倏若浮萍草天遠會無期憂來首已皓
古人崇明德勤修以爲寶願得此心同
離居何足道

其二

結髮爲夫婦中道蒙棄捐還家慙兄嫂
汗臉朱火燃憶昔初嫁時光儀何翩翩
同心事翁媪恩愛兩

茂山堂詩草
纏綿紅顏未衰暮倏已失愛憐破鏡不可合斷釵
不可全恩怨生微渺蟻穴成江淵自歎命不長盛
年罹憂煎出門逢故夫顧盼相留連長跪欲有請
車馬如流烟故情未斷絕脉脉語不傳空學薜蘿
葉淚滴長涓涓

古釵歎

古釵久沉泉水冷謝君提攜出深井精金土花難
薄蝕四座珍之同歎息珍之歎息亦何爲不用插
鬢照容輝鳳皇依舊藏笥篋虛勞鄭重濯井泥莫
怨真賞世難逢自笑曾無近世容

白絲行

絲之最潔惟白絲奈爲縞素不入時時人裝束愛
紅紫家家染絲上春機紛紜織就如花色競持刀
尺裁裳衣裁裳衣衣何許遊俠少年倡家女遊俠
倡家綺羅賤春風吹多顏色變色變旁人不言好
視之反不如素縞卽爲白絲何不可縱然棄置猶
故我

鰕鮒篇

鰕鮒非龍友焉用行雨爲鸞鳩非鵬匹翻笑培風
飛小大旣以殊彼此詎相知仙人藐姑射居與浮
雲齊俯視皆塵垢紛逐徒蚩蚩志士方隱約抗懷
在濟施敢以貧賤故捐棄素所期素期何落落空
爲濁世嗤

短歌行

二明互相逐晷刻無留停人物逝乘除去去如流
星如流星易變滅縱能成仙歸已悲千年同一擲
及今猶爲同世人有酒且敘平生親勿復蹉跎不
爲樂試觀九原誰可作

白紵歌

白紵瑩潔如繁霜銀線細細縫衣裳美人冰雪肌
膚香被服掩映耀明妝皎皎升君白玉堂奮袖廻
身紛低昂倏而鵠立倏鳧翔一回起舞君一觴遷
延顧盼樂未央須臾落月照虹梁感時撫景思徬
徨願得羲和停景光鬢顏長好齒長芳千秋萬歲
同樂康

東飛伯勞西飛燕歌

南巢越鳥北歸鴻秦娥簫史欣相逢誰家女兒墻
東住妍姿綽約簾邊露阿閣重階結綺牕非烟非
霧香揚揚年時二九尚不足流光發豔搖人目春
盡穠花不可留可憐絕世誰與儔

邯鄲才人嫁爲厮養卒婦

休悲鵠隨鶩真成泥憶雲昔年更衣入嬌貴誰與
羣容華忽遲暮淪落就塵氛未忘教歌舞忍典賜
衣裙人間與天上太息一旦分

茱萸女

秦娥千金飾吳萸九秋英紅朱色相映搖曳心所
縈簪花鬢鈿合襯子衣香增歸時當晚晚觀者以
屏營寄言莫借問夫壻方貴榮

湘竹杖

斑斕滄竹枝七尺裁爲杖須知竹上痕二妃餘精
爽當年血淚多點滴瑯玕上煩怨根不除至今留
斯象感念美人心千秋堪倚仗憶昔遊湖湘綠雲
陰曠漭摩挲撫春條憑吊以慨慷邇來雖就衰佳
遊仍夢想扶老得斯材名山期徧訪愛之如英皇

攜持共還往

日本刀

五尺冰稜日本刀相傳得之自紅毛此刀世上罕
曾有莫邪純鈎相先後剛極而柔能卷舒繞指堅
鋼百鍊餘有時怪光閃流電當空一揮天地變鋒
芒犀利真無兩水剗蛟龍陸犀象傳聞日本初鑄
此場谷炎炎流精髓鑄成奪盡赤日精東洋水涸
扶桑死又聞紅毛重賞購恃刀剗掠相仇寇上陣
殺人不轉眼千里萬里血腥臭剩魄殘魂不敢啼

唯聞鞞裏罡風吼自從流傳入中國幾經英雄恣
揮霍今日昇平罷戰爭有武不試同麟角我來一
見長延竚摩挲勝于十五女或言兵凶而戰危君
今寶此將何爲豈知此刀自終古爲殺爲生各有
取君不見島夷用之以格鬪稱雄聖人用之以止
殺爲武

清遠峽

中宿雙崖峻芙蓉類削成風烟連五嶺雲樹接三
城纜路凌霄上江流圻石行寒猿歸洞後猶有斷

陽聲

大廟峽

此地分韶廣中流峽勢高一門爭上下千仞落波
濤粉黛英雄起將軍戰伐勞猶留碑碣在遺廟枕
江臯

湏陽峽

臯石千峯斷南來江始通流兼諸水急勢以上游
雄飛沫成寒雨崩濤觸暗風行空誇棧道消向劫
灰中

飛來寺

亂峯環繞水滌泐福地遙從天上來峽關雙崖行
日月寺飛中夜挾風雷空潭犀影侵階動古洞猿
聲入座哀誰復垂綸依此地葛仙壇下有荒臺

歸猿洞

亂離初別上陽宮便作行雲洛水東夙願盡酬人
世上野情歸向霧烟中真成眷屬緣非幻解脫鉛
華色是空爲問訶陵環在否洞門蕭瑟掩西風
十月初一夜暴寒集天籟堂

爽極寒旋迫秋冬此際分冰從霜後結風雜雨中
聞坐久衣疑薄談深酒易醺爲憐時節換竟夜樂
爲羣

春草

東風纔動卽萌芽一望萋萋襯落花幽興幾回尋
夢裏離心空自到天涯故宮影沒千門雨破屋涼
侵兩部蛙舞罷前溪人又散夕陽滿眼怨年華

春果

不同仙樹子生遲自與東風有夙期色落深紅曾
幾日行依嫩綠已多時勺圓獨稟陽和氣香美多
緣雨露滋堪笑秋林誇晚實枝頭霜雪正離披

春酒

隔冬釀就正氤氳直與林香一氣渾藉草客臨楊
柳岸當壚人在杏花村永和易散當年會寒食誰
澆自古魂擬學戴顓同放誕攜聽鼓吹向郊園

古劍

不用千金飾神光爾自存嘯餘如有恨磨久已無
痕世俗難爲贈英雄誰與論平生重意氣留取報

人恩

酬何野望春日過訪山庄

寂寞人家海上村
梨花落盡未開門
深春忽曳王符履
暇日同看庾信園
歸岫野雲迷屋角
上田潮水浸籬根
消閒若不嫌荒僻
杖屨重期破蘚痕

花朝

芳時節物總宜人
况過中和已浹辰
荏苒青陽剛欲半
淺深春色恰初勻
燕歸社日銜泥早
鶯轉條風傍柳新
佳會相期尋撲蝶
一尊沉醉落花裊

感舊

驅車過北邙
白楊風浩浩
歎息新亡友
高墳未宿草
昔歲同遠遊
談笑抒懷抱
謂當同百年
棄去一何早
感念平生言
慙負以終老

竹門

疎簾寂寞下黃昏
往日幽牕舊竹門
燕子不來人又去
一回經過一消魂

種蘭

澧浦傳名卉
流連見楚辭
馨香憐素抱
藝植趁芳

時幸免當門累先爲紉佩期裁書謝公子從此倍
相思

種松

澗底新移取和烟帶霧栽未高宜雨澤雖茂亦封
培出土心先直爲濤葉漸開灌園人識爾不待歲
寒來

種梅

歲寒花事少預向早春尋閱盡芳菲眼猶存冰雪
心瘦枝雲外得新葉雨中森香國何勞夢寒根結

自今

種桐

拱把皆堪貴春園乎植忙用天乘煖霽擇地取朝
陽待鳳枝猶小干雲幹漸長從茲金井畔清影落
銀牀

種菊

東籬搖落後時節又清明忽動涼秋思彌深隱逸
情萌芽尋舊本枝葉看新成爲報佳人道芳懷已
暗生

砌草

蔓向庭陰滿叢依碧蘚低入簾青尚淺出土綠初
齊弱態風前見芳情雨後迷王孫門巷冷歸去亦
萋萋

九日登端州鎮南樓

崧臺欄檻倚高空秋氣精明一望通日月雙崖江
上下烟雲萬里粵西東窓虛遠度賓鴻影樹古頻
生落帽風客裏登臨逢令節鄉心無限夕陽中

鎮海樓

層樓面面啓窓扉極目遙天碧四圍五嶺江山簷
外數三城風物座中歸平臨北斗知天近俯瞰南
溟見地稀此去羅浮原咫尺尋仙期挾曉雲飛

其二

縹緲飛甍絢曉霞層簷高啄勢張牙規模自足雄
南越經畫何曾減永嘉牛女雙星連雉堞梯航萬
里接天涯樓船不用誇征伐四海如今屬一家

秋日泛舟珠江

雁翅城南水接天中流秋色正澄鮮樹圍孤島臨

方山堂詩集
江寺纜引羣夷入貢船幽夢消殘篷背雨愁心散
盡海門烟幾何羈旅皆朋輩莫惜臨風一扣舷

寄廬嶽僧

芙蓉九疊逼諸天雲臥應知息萬緣空法機圓牛
谷月定禪心冷虎溪泉山園芋供齋厨滿岳頂茶
烹瀑水鮮隔嶺幾回勞悵望香爐高處佛燈懸

送人遊惠州西湖

湖有披雲島點翠洲諸
勝葉尚書夢熊有別業

君愛西湖烟月好蒲帆高掛獨尋看路經黃木江
流遠天入朱明地勢寬十里鏡光搖郭淨一圍山
翠落波寒蘇公堤上朝雲墓應爲沉吟到夜闌

其二

憶向循州曾作客西湖烟月最留情雲披孤島看
難盡翠點前洲望正明古墓荒涼攜酒過長堤迢
迢繞花行舊遊回首真如夢今日因君感更生

其三

功成喉舌退閒身曾向烟波狎隱淪買得湖山爲
已業布將樓閣與僧鄰經遊花柳還如昨見說桑
田變又新到日六如亭上望憑君遙寄一沾巾

甘灘夜泊有懷社中諸子

朝別城南隅暮向甘灘泊甘灘吸西流迫窄成險
惡亂石觸崩濤風雷相噴薄擊楫下扁舟勢如天
上落出灘浪漸平停橈上江閣素月漾微波顧笑
相娛樂浮雲出無心落葉飛何着茲遊亦偶然於
中無適莫所戀在同羣去住情難漠臨風發浩歎
聚散殊今昨

八境臺

八境何寥廓蒼茫野色侵水逢章貢合雲接鬱孤

陰人代空移易江山自古今蘇公有題詠憑吊一
沉吟

滕王閣

層樓高出碧霄寒萬里江關在倚欄山接荆吳青
一片水連章貢曲千盤閣公宴會隨雲散帝子風
流與夢殘唯有騷人詞賦在光芒長向畫屏看

望廬山

廬山初入望一片是空青烟霧通吳楚峯巒入杳
冥六朝留逸韻五老集仙靈何日披雲上徧尋九

疊屏

過九江

九派分江勢奔流自杳冥水連吳地碧岸接楚山
青春浪翻正急扁舟渡不停琵琶何處聽惆悵望
孤亭

湘妃廟

滿江蘭芷想情苗二女香魂尚可招一自帝琴風
易散至今靈瑟怨難消淚滋斑竹餘痕在雲鎖蒼
梧屬望遙欲與佳期向何處洞庭波冷葉蕭蕭

楚中

大王風斷漢江濱百戰河山跡已陳三戶可能存
楚國九歌徒自泣靈均章臺春好腰肢細巫峽雲
深夢寐頻今日風流尋不得澤蘭湘芷總愁人

鄴中

古鄴城高漳水長奸雄會竊擁金湯人心未改三
巴舊天道先開五馬祥文士遺踪尋斷瓦妓人餘
恨惜分香西陵松柏今無恙空見銅臺鎖夕陽

洛中

名園廢盡受兵多，洛下規模近若何。
無復東南來白雉，依然瀝澗絡黃河。
烟迷甫草收斜日，雨剝雲臺入逝波。
惟有中原留滯客，苦從荆棘覓銅駝。

燕臺懷古

燕市紅塵拂面過，夕陽處處動悲歌。
狗屠酒興還如舊，駿骨價高近若何。
奔趙祇應憐樂毅，劫秦誰復重荆軻。
昭王臺下經年住，始信黃金不易多。

出都

咫尺君門路未通，天邊消息有無中。
詔傳嶺海三春夢，信斷蓬瀛一夜風。
世事祇應同塞馬，鄉心惟覺類征鴻。
歸鞭擬拂高秋月，任厭慈仁古寺東。

其二

一路看春度嶺來，楚雲吳樹幾徘徊。
當時半爲閒遊出，今日翻成失意回。
未剖安知非是玉，孤芳何必恨無媒。
去留空自嘗雞肋，辜負東籬舊酒杯。

其三

新詔初騰玉鳳毫，故人相勸出蓬蒿。
賤貧敢作長行計，氣誼多承父執高。
旅食未酬漂母飯，秋寒剛

茂山堂詩集
古
傲范生袍無成自覺慙知己客路風霜敢告勞

其四

久知分薄與才微黃紙無端下鎖闥獻賦未承新
賜札還轅空拂舊征衣到來豈必爲干祿歸去何
嘗是息機猶有案頭舊圖史不妨重掩故園扉

其五

故園猶自隔天涯越水吳山是所思有興漸忘爲
客苦閒遊難定到家期真娘墓下清歌發西子湖
頭錦幔垂到日流連沽美酒柳堤花徑好開眉

易水懷古

易水寒風薄暮生到來駐馬吊荆卿燕秦已沒當
年迹忼慨空留此日情每歎白虹氣不改休論七
首事無成酒闌市上悲歌起恍惚猶聞變徵聲

東岳

繚繞羣峯大海濱孤懸天半獨嶙峋陰陽兩面分
齊魯巖岫千盤護鬼神王母清池雲尚駐徐公去
路草還新求仙莫漫笑秦漢此地從來有異人

其二

天路如盤十八迴，峯堯高出白雲隈。
雍梁地勢三邊盡，吳越波光萬里來。
夜半先明滄海日，秋深猶殷下方雷。
何緣一寄清宵夢，直宿山頭封禪臺。

其三

中峯高處通靈貺，太一天壇舊迹存。
禮重百王同望秩，位隆四岳獨稱尊。
坭藏玉檢迷丹字，雨洗穹碑剝翠痕。
封禪年來逢令典，重開金碧耀天門。

隋宮懷古

隋家往事盡風流，鶴影螢光散未收。
鏡裏漫因頭顛歎，路傍多爲管絃愁。
何年寶帶藏金盒，幾處香塵掩玉鈎。
夢裏揚州今尚好，錦帆留影在邗溝。

金陵

六朝人代廢興多，王氣升沉逐逝波。
龍虎勝形終不改，風流往事竟如何。
女郎學得金蓮步，詞客能傳玉樹歌。
繁豔最憐桃葉渡，珠簾十里夾長河。

姑蘇雜詠

懷古先尋季札祠，煌煌劍佩見威儀。
延陵風義今人少，珍重丹陽十字碑。

其二

烈士千秋去不回
閒尋往迹重遲迴
專諸古巷要
離豕好與慙
勤酌一杯

其三

高懸雙目望遙遙
國破千年恨未消
太宰已禽文
相死至今猶湧海門潮

其四

故苑梧桐又報秋
君王愁怨幾時休
三吳一沼渾
閒事銜恨蛾眉上扁舟

其五

漢時流水日迢迢
庶下消沉事已遙
自主人能
愛客至今人識伯通橋

其六

閶門西上山塘路
一帶簾櫳照眼新
歸去夢魂忘
不得水邊樓閣住
經旬

豈是姑蘇懷古

闔閭城郭枕江邊
一沼茫茫水接天
國士已承三尺劍
美人終上五湖船
屨聲久沒長廊雨
香氣潛

消曲徑烟誰識蛾眉能霸越負恩年是報恩年

嚴先生祠

豈是無明主冥鴻不可留故人方袞冕老子自羊裘
事業雙盤石乾坤一葉舟清高激頑懦百世仰風流

贈何嵩望

家世文章並絕倫就中平叔更嶙峋機雲人物聲
華美溫李詩詞體制新十載心腸憐錦繡一年燕
趙共風塵天涯兄弟無如爾忼慨情懷每任真

途次懷人

塵事無端意外侵長途多爲爾沉吟文章未必愁
中減恐懼真從難後深塞馬豈堪論得失坭蟠原
不定升沉故人落魄差相似萬里天涯共此心

其二

及門風雅少如君杯酒流連每夕曛難字不辭燈
下辨佳題頻共夜時分一年京國傷離別幾度鄉
園夢水雲惟有遊踪遍吳越新詩堪與故人聞
同何耐亭廣文之樂昌友人送至江門賦此

留別

三瀧千里隔江城相逐故人事遠征半月迢遙江
渚路滿篷風雨別離情殷勤氣誼憐師友去住心
腸感弟兄况是一年春盡夜不眠吟共蠟燈明

樂昌城

芙蓉萬疊逼青霄城郭侵臨嶺半腰天近楚臺常
帶雨地懸溟海不通潮維舟多傍黃茅岸散步頻
過碧石橋聞道古來遷謫路韓瀧風物最蕭條

遊泐溪巖

泐溪擅名勝相攜遊塵鞅出城三五里逕仄藤蘿
長高崖敞巖宇造設非意想石破天光透溜滋地
脉盎左右洞窈黑行行燭屢掌僧榻與玄讚搜尋
恣幽賞陸羽舊曾遊余公繼前嚮時代忽已遙讌
會人何往賴有遺文在諦觀心目爽何以追昔賢
題詠偕吾黨

同樂昌田明府昌山晚眺

牛羊散下石塘行徙倚仍多遠望情天盡樹連熊
繹國日斜雲掩趙佗城村環江店炊烟密岸匝瀧

船暮火明自是鳴琴佳氣象
漁樵歸路滿歌聲
喜易秋河歸自楚中過
昌江學署夜集分賦
兼以誌別
廣文池館草全侵
兩月相將事苦吟
歸客遠來湘浦外
故人歡聚武溪陰
連牀久冷清宵夢
旅食難忘舊日心
明發挂帆同未得
江門烟月望中深

苦雨

經旬不歇雨滂沱
乍湧瀧流十丈波
天上有權惟畢月
人間無地不江河
沿崖里巷消沉盡
遶檻魚龍出沒多
獨倚危樓何所恃
三重階上繫輕舸

泐溪巖玩雪次韻

蕭蕭陰氣凝黯黯
微陽閉排空玉屑
下着地瓊華碎
崇崖結層冰無窮
高潔意彌日恣欣
賞冷然愜幽趣
歸路匝瑤林朗吟
坐驢背

冬日寄懷

山陬異海甸海錯希見市丘中
但有麻次數青油
子深冬密雪飛遶郭玉峰峙
狂飈吹更寒重衾不
可恃游魚樂舊淵鬱鬱何堪此
况兼此邦中獬犬

憎蘭芷佑客重黃金文章誰知己吾鄉稱鄒魯風
流傳曩史故人擅詞藻大雅繼前軌物候旣已殊
交遊又復爾用是悵離居遙情結千里

客中小除

已是小除夕猶爲羈客吟一年餘幾日百感聚孤
心貧賤方如此飄零直至今故人相慰藉杯酒話
宵深

其二

酒罷人初散堂空客未眠大寒來昨夜密雪下風
天莫葉唯餘六江程動滿千朋儔與骨肉得會已
經年

客中除夕

酒罷依燈坐星河漸欲斜只殘半夜臘旋別一年
家衣食計仍拙風塵鬢已華故園人守歲應自憶
天涯

昌山新歲

嶺嶠逢新歲條風變物華暖消瀧岸雪晴漾楚天
霞徑草應初坼園林想已花歸心逐春色千里共

還家

人日

歲閱七朝新佳辰逼立春暖寒初判日留滯未歸
人花共鄉心發雲縈遠目頻無因可乘興郊外逐
芳塵

立春

盤菜方辛日園林乍暖時初花三兩朵嫩柳淺深
枝雲物開新霽風尤似故籬欲尋芳草路歸已後
春期

春雪

春入仍飛雪空濛徹夜光繁華歸白賁氣候失青
陽着柳旋成絮粘花更有香高寒風格在終自壓
羣芳

春寒

濃雲閉煖日寒入隔年來解凍風猶薄凝陰力未
回爐貪侵曉炷衣任舊冬裁受困同花柳春情已
暗催

留別何耐亭

經歲懷鄉國臨岐念友生夢魂兩處戀去住一心
并客路兼風雨世途復險傾素交侷骨肉千里共
關情

舟中贈某昆玉

一門風雅總翩翩家住丹霞錦石邊謝朓自來宜
好宅李膺何幸忽同船坐談正喜天星聚登眺還
思地主賢早晚扶筇應過訪名山十載夢長懸

韶城留別鄭或侯

詞場聲望久曾聞偶向羈途挹紫氛白雪和稀憐
絕調青錢價重羨高文清暉相對疑秋月暇日過
從每夕曛湖海萍踪原不定無端今又惜離羣

集友人新齋

故人關地作新庭暇日過從任醉醒一席流風歡
共話十年零雨憶同聽馮唐衰鬢初沾雪陳實高
門已聚星下榻敢辭連日夕邇來踪跡類浮萍

贈雲菴上人

十年耆舊總彫殘留得儀型此日看魯國生徒曾
避席諸天龍象早登壇鏡臺徹後塵緣淨花雨濃

時炎世寒怪得海邦人擁戴貝多文字解真難
將之晏江留別何耐亭
臨岐莫怪倍沉吟世路風波閱共深近事每煩親
串力遠行翻感弟兄心雁迴野岸秋將老人坐清
宵月未沉別去難忘東閣夢梅花開日又相尋

寧陽龔廣文署中打魚

廣文池館勝濠梁客至相邀過野塘巨網投時雲
浪動細鱗出處水風涼鸞刀散落銀絲淨金碗光
浮玉液香自是官閒多樂事不煩張翰更思鄉

哭雲峯無上人

世塵絕後幾經年色相今朝亦盡捐一切頓令歸
寂滅三生何處問因緣梵消草閣悲寒雨塔傍松
坳冷暮烟每過山門偏悵望毫光猶托月光圓

秋日偕諸子攜妓遊圭峯

鈿車相逐上高空丹葉黃花磴道中天上玉臺遊
客集酒邊金管美人同綺羅飄拂松篁影巾烏涼
生澗壑風夙昔自饒泉石興流連非爲舞裙紅

秋日集何野望齋中因寄樂昌廣文

經年留滯武溪陰歸到鄉園秋又深野客共憐時
序變幽窓閒傍蠟燈吟情親洛社鷗盟合望入衡
陽雁影沉苦憶三瀧江上別滿江流水故人心

秋屋

寂寂荒村裏蕭蕭古巷中茅茨偏着露籬落自含
風稻穫炊烟起麻收作火紅莫嫌生計澹幸不歎
哀鴻

秋鏡

寒去終難落菱花一片光爲金翻象水如月更含

霜白髮驚心早青娥結恨長不堪重爲照秋思共

茫茫

秋社

燕歸爲報日雞卜又應年禮洽三農後靈揚萬舞
前疾風傳土鼓商調入神絃賽罷歡同醉松梢月
正懸

秋菜

蔬食終年計青青幸至今盤餐惟爾托霜露莫相
侵土燥生全薄泉寒味更深自茲爲旨蓄猶慰禦

窮心

秋寺

野曠無鄰並燒痕
逼四圍僧尋黃葉
路人欵白雲
扉夕照歸山冷
霜鐘渡水微
戒壇雙老樹
枯極是禪機

古梅

祇有烟蘿伴此身
蒼茫堪對白頭人
幹枝老處偏
饒韻天地閉時
正好春幾代
繁華空剩爾
一生冰雪自爲鄰
相逢莫訝滄桑後
野水荒崖色又新

其二

地老天荒開未殘
一叢珠玉影團團
涵將凍色苞
元氣留得春光待
歲寒香豔不隨陵
谷變清高堪
作水雲看鐵橋
籬落人行少
古調泠泠亦自彈

其三

峇堯俯瞰祝融宮
絕頂雲飛八面風
波湧日輪生
午夜瀑飄寒雨洒
晴空石樓大小峯
相疊瑤室玲瓏
路總通回首舊遊
偏悵望兩峯縹緲
合離中

其二

芙蓉四百總芳鮮一股蓬萊豈浪傳洞別有天懸
日月山兼連海漾雲烟籠葱竹繞燒丹竈巨勝花
垂洗藥泉此地分明仙子宅別來空自惜流年
大堤曲
堤上花枝豔似霞女兒顏色豔于花探春挈伴採
藍棗遊冶相逢頻駐足遠逆遙送不分明祇緣光
豔搖人目風吹羅綺滿堤香春坭處處留芳躅提
籠欲去步遲遲一片心情屬阿誰夕陽冷照苔花
岸留戀還嫌春日短

十六夜同諸子泊江門

江平水色靜無烟蘆荻洲邊泊客船鄉夢乍從今
夜遠月輪初減昨宵圓尊罍未罷中秋興濩落深
慙漸老年幸有故人同作客扣舷吟咏不曾眠
三城留別社中諸子

深秋重作武溪行幾度臨岐感友生相送遠踰鄉
國路論交真有弟兄情江船露白詩篇好旅館燈
紅酒氣清別後定知同有夢關人風月在三城
溫灘夜泊有懷社中諸子

四野色蒼蒼扁舟獨戍傍高灘狂噴雪孤月迴含
霜江海長爲客雲山阻望鄉離羣思舊好中夜自
迴腸

喜吳占熊歸自都中
京華留滯廿經春今日行衣乍拂塵三領熟騎冀
北馬二毛歸作嶺南人逢孫始覺兒童長省墓應
悲松柏新早晚金門重獻賦鄉關莫惜往來頻

秋日自大林洞觀水石溯源至上龍潭度嶺
還宿圭峯寺望海月

古洞含霜氣清泉迸石流窮源循鳥道探勝得龍
湫絕嶺盤空過招提傍晚留坐深明月上一片海
門秋

天龍咸陽懷古

荒荒焦土掩殘雲百二山河空夕曛玉璽可能帝
萬世金城終見地三分澤中有劍何時鑄圯上傳
書不及焚千載浪驚秦網密由來漏網正紛紛

蕭沛中懷古

大風歌後少雲飄漢帝遺踪誇牧樵屋散電光流

白日澤傳神母泣清宵驅馳逐鹿人何往縹緲成
龍氣已消唯有蕭條雞犬在腐儒憑吊只長謠
蜀中懷古
杜鵑啼處思徬徨蜀漢雄風未渺茫流馬尚能佐
北伐臥龍寧漫出南陽圖依白帝威靈在棧倚青
天道路長若使背城仍借一傳車容易走降王

朝雲墓

何年紅粉委天涯腸斷循州謫宦時歸路無緣隨
馬足旅墳徒自閉蛾眉色空已向生前悟歌舞還
留死後悲最是東風寒食節解犀橋畔草離離

送人之高涼

迢遞高涼路車聲徹遠空風塵千里外奔走十年
同別酒逢圓月離心咽暮蟲交親如有問相望菊
花叢

曉春閨怨

美人初睡足輾轉畫屏前新鳥頻相喚空牀不穩
眠花房涓滴露柳帶霏微烟對此思殘夢芳心益
渺然

珠江返棹擬過羊額訪何不偕先輩先東

作客厭塵俗歸心日夜催棹隨烟雨發路逐水雲
迴忽憶桃源近遙憐竹徑開寄言草玄客問字有
人來

二月十五日花下作

尋芳共喜得佳期倚檻頻看莫待遲花事一年全
盛日春光三月半過時鶯憐風煖啼偏數蝶愛林
香舞不辭若到明朝春便減還應秉燭對繁枝

寒食集何野望齋中分賦

得十二侵

白揚郊外懶追尋小閣閒園聚話深聽雨正憐疇
昔夢禁烟還感歲時心萋迷芳草情何限零落梨
花怨不任幸與故人同熟食未妨沉醉復高吟

聽蛙行

春雷出地驚潛蟄羣動蚪囂應煖律就中鳴蛙最
喧填此倡彼和成千億爲官爲私總雷同紛紛無
由相別議蚊聚蠅營未足歎舌巧如簧此爲極漫
誇兩部能悅聽多口終令聞者戚小物由來可做
心三緘相戒守玄默

送姚別駕還所治

五馬嗟來暮去思更不窮
新猷輝日月舊德並衡
蒿閩海瑱珉峻狼山旌
旆雄元勲書鐵券世廕
錫彤弓小陸難兄似諸
馮乃父風珠官佐郡治
銅鼓震邊功宣化雷陽
路分猷趙尉宮部民驟
竹馬屬邑仰花廳節駐
黃雲裏春回紫水中一
心教買犢數月集哀鴻
荆棘遺株盡桑麻起色
同蓋車時讌會圭璧日
磨礪共喜依黃相誰言
返召公西門官柳綠南
浦海榴紅別酒傾難醉
離歌疊易終衮衣

行莫挽赤紱望偏隆
通籍原河北試礪總嶺
東承家再展驥開府紹
非熊遷擢三台貴恩波
九域通從茲舊桃李移
作上林叢

登圭峯望厓門有感

圭峯之高高入雲下臨
滄海窮朱垠扳緣鳥道
凌絕頂羣峯拱揖何紛
紛潭龍時灑人間雨瀑
爲雷震白晝聞俯瞰孤
城彈丸似萬家烟火共
氤氳偶然遊目及江涘
江流東處雙崖峙慈元
此地有故宮遺基恍惚
蒼翠裏湘妃幽怨望帝
魂一片迷離

結烟水更有國殤爲鬼雄
累累荒墳何處是碧玉
老人吊遺烈磨崖大書稱腦熱

白沙先生吊厓有
吾昔大書吾腦熱

之至今陵谷又升沉
事在人心終不滅
盡日憑高欲奈何
儒生從來感慨多

清明郊行

清明節物總堪憐
步入荒郊更黯然
高下墓田埋恨地
迷離烟雨斷魂天
東風一路飄榆莢
落日千山怨杜鵑
此際消愁惟有醉
尋春休惜杖頭錢

贈尼

遠辭金屋謝同羣
水月清光靜裏分
萬種支離厭夢雨
一生長短托慈雲
冰壺不貯芙蓉淚
蓋篋教藏貝葉文
課罷清宵蓮漏永
半牀惟有戒香薰

端陽同吳占熊何雨望許亮剪觀競渡

佳節相將上畫船
中流簫鼓震江天
歡娛是處成嘉會
憔悴何人念昔賢
千古離憂空鬱結
百年世路半風烟
幾何舊國同遊賞
莫惜篷窓倚醉眠

贈張北山先輩

清標濯濯出吳淞
不數雲津有躍龍
醉去揮毫傳

草聖興來賦海羨詞宗才華自必歸情性道學何
人建鼓鐘今日南來談正始披雲何幸得相從

陪張北山先輩集家叔中秘齋中次元韻

風流敢附竹林名淡泊門風只耦耕傾釀幸陪耆
舊飲如醇深慰結交情放懷談吐皆原道卽席歌
吟亦正聲欲破堅城偏師少沉冥空識酒猶兵

次和張北山謁白沙先生祠

拜瞻遺廟想當時斯道多從靜裏期鄒魯一源風
自遠春陽十載悟非遲西銘特達原深契白沙先生有西

銘特達見
橫渠之句

東海唱酬屬舊知怪得南來徵信日高

懸銀榜足興思

其二

因尋苗裔得遺編一露端倪悟已全絕去支離堪

作聖能超形氣始知天溪毛薦處山同仰經壁尋

來火獨傳爭道扁舟行萬里

其先東海公與白沙
讌集有江海長風萬

里舟之句風流真不讓前賢

新秋西巖主人攜尊招同諸公與張北山先

輩話別分得天字

青山屋後列芳筵風葉無端墜晚天
萬里正逢人憶鱸一尊猶得共聽蟬
炎涼何用驚時節意氣深投在簡編歸去吳淞定相憶數句吟斷石崖烟

登小廬山懷白沙先生

廬阜烟村外登臨四望分樓存空韞玉臺沒但留雲論世去殊近流風此尚聞高山如可仰誰敢負斯文

其二

延佇孤峯上江門有故村斯人不可作吾道向誰論跡已春陽渺風仍鄒魯存成章媿狂簡空自誦遺言

荔枝詩

嘉樹天南誇荔支盤根古幹鬪離奇離奇曲屈徧林麓發盡炎州氣清淑祝融之墟近扶桑赤日流光恣沐浴吐萼敷榮向深冬歷春徂夏生機足涵濡雨露裹陰陽震離真精此含蓄鳴蜩應候一氣催千株萬株剛報熟熟時迸作星熊熊錯落次躔大火中火炎半空烟不起高下江天映盡紅漫將

豔麗矜顏色珠玉心田人不識
擘來瑩徹水晶盤
沒齒瓊漿爭服食食餘五內發
金沙肌膚爍爍生
光華神仙藥餌無過此何用勾
漏求丹砂世人愛
之如瓊玖貴賤遭際物時有願
逢趙尉貢漢廷銷
鑠無徒付衆口

其二

稟得南州氣細枝黛葉俱文融
朱鳥火質蘊水精
珠炙日香偏遠凝冰味更殊正
宜扶荔築移植在
庭隅

次韻奉和顧邑侯雨中遊峽山飛來寺

禹陽天半鎖陰霏冠蓋初停一振衣
白雨恰隨車
迹徧丹崖旋滿瀑流飛未嘗泉水心
先定偶坐亭
臯暑便微却羨峽雲新賦豔榴花
五色讓芳菲

其二

朗吟高閣倚疎櫺峽雨紛紛濕翠屏
天地空濛歸
一氣烟嵐高下暗重溟鐘曾沉去聲
猶應寺是飛
來跡更靈今日來遊逢勝侶定將名
姓紀山亭

前題次和劉瓠容陳韜谷兩先輩

江行一路雨霏霏帝子臺邊暫拂衣絕壑龍吟雲
盡濕空潭犀起浪初飛泉珠迸落簾光碎松翠虛
涵殿影微况有碧巖芝草在劉郎到日正芬菲
女牛天上啓朱樞迴合羣峯作翠屏風雨何年移
梵刹雲烟終日暗滄溟渾涵天水皆元氣對擘芙
蓉是巨靈夢得詩成更奇絕驪珠滿握在江亭

其三

松篁臺殿滿烟霏才子招尋任濕衣千里滇湟江

一束二禺南北瀑齊飛勝遊已喜龍湫近興會還
追鳥道微共識陳琳多麗藻巴人何敢鬪芳菲

其四

炎州萬里入虛櫺雨裏憑高倚畫屏三峽風烟連
五嶺兩崖日月夾重溟訶陵環在猿何往阮俞叢
深竹尚靈天遣騷人增氣色光茫詞賦滿高亭

黃雲山訪一行禪師住錫故址

黃雲出山中雲去山常在當時卓錫者結宇于其
內紺殿野烟銷頽基風雨敝我來訪遺踪觸目增

感慨陵谷會升沉
禪寂亦興替
因知人世間
塵緣空一切

無絃琴歌

琴聲若道不在絃
未聞桐聲能自傳
琴聲若道絃中取
素絲滿匣聲何處
豈知無絃聲已備
有聲原自無聲始
太和未洩是天真
一落聲聞已第二
卽有連成與鍾期
此意冥冥誰得知
搏拊唱歎徒爲爾
深負黃金山
柘絲妙理陶公悟
獨深會從太清得
元音我亦嗒焉若
槁木與爾同涵
天地心

蒲扇

猶見林中片影寒
製來真不讓齊紈
炎州自具清涼用
素質堪同雪月看
細把每憐藤翠滑
頻搖還愛葉聲乾
過時莫慮相捐棄
何處風流少謝安

秋霽龍潭觀瀑

爽氣滿秋壑
佳遊愛霽清
仰板絕巘險
俯睇石潭平
石潭開皎鏡
倒照芙蓉屏
芙蓉聳萬疊
飛流雲際傾
宿雨晴昨夜
瀑威今始增
衝崖洒冰雪
坼石奔風霆
神龍漸閉蟄
震蕩亦不寧
吹沫滿林薄
高

下氣相蒸奇既眩耳目潔復愜性靈願言晞華髮
竟日臨清澄

西巖望海

謝家亭館足清幽冬暖乘閒策杖遊屋後巖巒開
一面海濱形勝接雙眸牂牁流入滄溟遠日月厓
含烟霧愁悵望不因懷往事騷人蓄意在芳洲

早梅

得靈字

羣芳一望總凋零却放南枝映戶庭秋後陽和先
有信冬前霜雪已通靈風來幾點香猶薄月好連

宵夢未經何遜詩情偏驟發相攜聯句倚疎檣

悼石澗松

誰料山林有劫灰千章虬幹一朝摧更無翠影依
巖落尚憶濤聲捲岫來枉歷冰霜成美蔭翻令樗
櫟笑良材重臨解帶微風裏唳鶴吟猿總助哀

屈貞女旌門詩

未酬同室願誓作共歸魂幸以慰留免翻成姑婦
恩孀慈三世苦嗣續一絲存不媿承旌典清芬溢

里門

里門菊影

秋容誰畫向黃昏落落孤芳澹澹痕扶上短籬憑
月色印來斜徑是霜魂美人遲暮情皆幻處士高
寒意自存空讀離騷思採摘相看如夢在荒園

炎州物產矜榕樹幹株圍抱以十數擁腫易爲斧
斤容無用之用用已具虧閉日月排混茫吐納烟
雲裹霜露萬竅叫諫廣莫聞天風日夜遙奔赴西
巖一樹更離奇置身高踞磐石固幹老鬚根歷亂

垂千縷萬縷沿崖鋪縱橫交加類織成側理斜紋
相回互涵濡石液根復枝左拏右攫巖頭布密葉
繁陰日以滋閱歷星霜知幾度昔年休沐有蘇公
寢臥逍遙共朝暮今日遺蔭不改初徬徨輒引騷
人駐此樹天南無處無荒山窮谷人不顧誰能得
地與爾同物生由來在遭遇
鰲背翠華駐龍淵玉璽沉逢厓歎國運蹈海見臣
心陵廟遺前代綱常植至今興亡猶有淚灑向海

門深
其二
連年和議復何如三徙逢厓竟不虛一自虎臣回
戰馬遂令龍種葬江魚地非胥浦濤偏怒竹似湘
臯淚有餘滅宋題名今古恨磨崖誰易數行書

其三

高崖空紀黃龍瑞塊肉終沉白浪堆四廣數符天
已定三仁心盡力難回去來潮湧長留恨子母烏
啼不斷哀每過海門偏悵望慈元宮殿又蒿萊

雨後行菜

用蘇長公韻

山圃遘時雨畦蔬潤初長行看沿溪橋不用棹雨
漿抱甕竟何煩新水自滿壤濕重莖微俯氣至葉
忽仰欣欣綠漸交充膳豈虛想梁肉非予羨野味
可用饗飽露復含膏鄰叟時邀賞吾道久艱難屏
跡絕影響賴此共朝昏滋味深熊掌悠然澹繁慮
保之足清養

上巳日石澗看杜鵑花

藹藹暮春初選勝互提挈崇岡遙躋坂修林羣坐

列曲澗引流觴修禊乘芳節歡極恣流眄繁葩相
聯綴片片淚痕斑朵朵春心結言是望帝魂迸作
空山血艷影落澗溪清波翻絳雪諦觀愜情慄擊
賞聊扳折絕勝溱洧間蘭芍相怡悅
舟泊坡亭有懷蘇長公
江亭一望接平蕪萬里投荒憶大蘇文體自來傳
海外行踪空復在天隅潮侵驛路人烟斷月照村
橋樹影孤莫怪中宵頻倚棹才人多半是窮途

春夜

一春長藉爾杖策正相兼高齒曾無恙深泥亦未
嫌臨塘幽草濕遶屋綠苔黏怪有東山癖逢花興
更添

其二

花候晴明少泥塗正軼軻艱危惟爾藉雷雨奈吾
何苔薄留痕淺橋長送響多名園頻有約肯放一
春過

賦得澄江靜如練

江天雲盡晚風晴萬里安流靜不驚漫愛縠紋生

處細偏憐銀縷瀉來輕更無雁影能書破詎有鮫
人爲織成最是曲江文字好臨風遙望不勝情

賦得首夏猶清和

輕風吹送落花塵節入朱明氣候新冲澹自應憐
永日融和終覺類殘春閒園陰藉青槐密小閣涼
生白雨頻誰道炎方多溽暑朝來單袷尚宜人

佛桑花

纖枝弱蒂淨無塵色相真疑幻裏身豔映朝霞成
一片光含曉月作重輪殮來會益容華好插去偏

令鬢影新自是扶桑多別種徧留火德在朱垠

玉臺寺避暑

玉臺足清涼長夏無盛暑招邀及清晨一路松杉
雨入門盛絢繪廣厦足延佇登樓一披襟空翠盈
牖戶城市苦炎蒸遜此爲淨土山泉渴可烹山菜
饑可茹於何滌塵氛猶餘浣醉處入夜海風來涼
隨山月吐願經夏臘長悠然依梵宇一笑河朔間
沉冥只如許

端陽觀競渡

寂寞從教節候催雄心一片冷如灰半生已任虛
舟往此日還看競渡來黍角初開香滿座菖蒲新
泛影浮杯輸贏過眼何勞問且共芳辰笑口開

並蒂白蓮花

素豔凌波出同莖兩朵分重輪銀浦月交影玉池
雲粉以連房重香并一氣聞六郎兄弟好皎潔不
如君

擣衣篇

白露空階鳴促織紅樓成婦頻歎息歎息成還未
有期年年塞上寄戎衣淒清又逼苦寒月擣練關
心詎敢遲東鄰西舍集儔侶拂拭紋砧叩朗杵皎
皎冰紈月下明纖纖玉手霜中舉霜中月下聲聲
急可憐嬌體力不給但聞響徹重雲高誰知汗染
雙題濕擣向殘宵恨轉深星漢橫斜響未沉寧辭
永夜辛勤力爲感經年契闊心經年契闊心如結
偕老旋成死生別惟憑砧杵托深情一聲一淚傳
幽咽何人聞此不心傷因風願得到遼陽

雁字

成羣初起荻花叢作勢真疑筆墨工鳥篆散來誰
布陣雲羅盡處自書空雙鈎隱約迷寒雨三折紆
迴任朔風北海子卿無信息八行虛過上林中
其二
一羣又向秋空見八法翻疑卷上逢亂陣豈能分
篆隸成行真欲走蛇龍塞垣風急鋒難正衡岳烟
深墨未濃莫歎寄書惟浪語玉絨猶自不曾封

送容裕淳歸鄉

離索仍多難重逢鬢已霜浮雲歎世事逝水惜韶

光話舊連旬久論文後會長中年傷哀樂暫別卽
迴腸

集何光祿新亭

光祿池如繡新亭繡錯中穿荷橋曲折照水檻玲
瓏荔樹雲成火鱸盤雪散風談深興趣溢濠濮會
心同

寓蕭遠閒曠之致不知軒冕為何物茂山有廬在
江門之側山水明麗有花木竹石琴尊圖史朋從
往還之樂歸而讀書講道力耕而食力蠶而衣磨
礮淬厲其所浚造有不止于詩文者以視世之車
轍馬蹄奔走不遑其所得相去遠矣門年弟繆沅
拜跋



茂山堂二集

江門梁 迪道始甫著

帝臨 丙申

帝臨中宮錫疇用五琮玉黃裳光照四宇建壺執中和
會風雨萬靈肅雍羣生嫗煦迄用阜成敦良安土展敬
璧壇以介純嘏

戰城南

戰城南鬪郭北僵屍滿地供烏食為我謂烏一何貪饕
鬼雄方殺賊食此腐肉非賢豪黃雲黯黯白草萋萋從
騎格鬪死獨乘兒馬歸歸詔獄不得赦幸得贖免為庶

人身碌碌故將夜行遭呵辱羨今將軍將軍何難為朝
行劫掠暮作偏裨

巫山高

巫山高劍峰接淮水深河流合我欲東歸淮河間之蛟
龍所踞波濤最怒洶洶滔天鳥不敢度別日苦多側身
瞻望涕滂沱柰若何

上邪

上耶我心與君相悅願為鸚鵡西北地傾東南天缺星
辰朝見日晚出五行汨乃敢與君絕

艷歌何嘗行

何嘗快獨長歎但當勦異說襲陳言一解謬充選舉獵

取厚祿踞尊官二解家居寬縱子弟樗蒲六博奪鄉鄰

美產腴田三解又當交通諸將校陰庇宗族行劫吏不

到門四解唾彼拙宦志在聲聞盜無斗粟何以為歡五

解貧固人所恥貪亦不可為願重自愛且鋪糜著述足

為業嘯歌足療飢置酒召我同心相戒勿復為非循環

倚伏天道本無私當知之貧固以下為趨

烏生

烏生何美美一鳥夭折羣鳥悲惜我烏生時有母有同
氣烏死烏母在欲誰依同氣少羽翼繞樹三匝無安枝

茂山堂二集
惜我鳥生相逐有雄雌鳥死孤雌毛羽摧頽心惜遺雛
集蓼城上嗚嗚晝夜啼惜我黃雀穩食太倉粟孔雀乃
判東南飛猛虎斑斑獵人不敢犯走兔乃交君陷罟罟
鯨鯢之生以吞噬為事尚復得長命無絕衰白龍乃困
於枯魚之肆過河而泣徒悔追惜我滄浪天狡獪同黃
口小兒欲道且復置之

悲歌

憂來惟醉能解死去有夢相尋醉醒夢回血淚盈襟惜
我掌上珍化為地下塵悲歌正苦辛阿子可曾聞

自君之出矣

自君之出矣難忘別後顏思君如月滿徹夜照關山
自君之出矣空閨祇自憐思君如月缺急切望重圓

遊子吟

家山柏上雲遊子眼中血雲出暮仍歸血淚流難歇誰
言落葉心忍與故根別

新曲

同住青楊巷久相憐來遊皂筴橋邊路更飄然鬢影蒼
痕晴日照粉香花氣暖風傳無限江南紅豆樹根苗各
自種丹田

促促曲

促促何促促五額千重綵與歡新別離三年行不復敢
怨君情薄似雲可憐妾淚長如燭

促促詞

促促復刺刺黃蘗有心蓮有蕙少年遠嫁別爺娘似雨
離雲憶故鄉低頭浣洗立厨下婢妾亦視如尊行和顏
悅色通情愫同心却恐還逢怒但令葵藿見太陽燕麥
盈階敢相妬不見人情多喜新昔為形影今參辰

車笠謠

古有車笠之謠謂不以貴賤易交也然貴者每
信人言賤者好與人事交道不終多由於此因

反其詞以為戒

故人乘車至負笠急迴旋只緣不識察容易信人言
故人負笠來引車遠迴避只緣恃恩私動輒與人事

十索二首

龍縞昨新裁是郎手所結今宵踏月來露濕庭莎滑欲
郎拂香塵從郎索羅襪

每試邯鄲步金蓮貼地排今夜自家行拚瞻度空階欲
呈纖纖足從郎索繡鞋

壽守戎

蓮峰萬仞想襟期楊僕威名遠近知曾向螺江陳組練

新臨熊海建旌旗鑄銅表柱逢今日勒石畱銘會有時
仙隱廬山寧足羨射潮風度本期頤

將之肄江訪鄭虛舟夫子舟中先呈

鼓枻勤趨侍吾師有鄭公宮牆烟翠外舟路水雲中早
麥雙岐綠新花滿縣紅執經明日事先已坐春風

題何周望遺像

躡屩相隨事已沉舊遊踪跡霧烟深空堂莫展遺容玩
十載慚君雪夜心
傳聞夙世是枯禪戀舊重來十九年究竟逢崖還撒手
三生何處問因緣

五桂空餘玉兩枝樓頭花萼總淒其論交我亦真兄弟
每過山陽便淚垂

承家猶子卽佳兒遺掛傳看不盡期長使後人憐玉貌
春秋霜露上堂時

題畫梅

暗香長與墨香流對此翻令憶舊遊記得夢回明月夜
橫斜疎影在羅浮

題何野望城南池館

高士喜幽棲別業臨芳甸結構正落成招邀共游行出
城度長橋路遠塵居轉忽焉歷灌木廣宇中坻建墻圍

樹半腰檻俯池三面蒲魚總紛錯瓜蔬互葱蒨巡檐縱
遐矚山翠衣襟濺海氣與溪雲當窓恣幻變未離城市
遙已隔囂塵遠僕本草澤人園林性所便主人况石交
過從常戀戀抱甕或分畦揮鋤輒同畔平生沮溺心於
茲酬夙願

採菱歌

樂府本辭有翳羅袖望所思之句其和云菱歌
女解佩戲江陽蓋梁陳間艷曲也初夏同人宴
集偶拈是
題因擬之

碧綠參差雜紅紫菱成兩角初堪采佳人相約動蘭橈
鬪倚新粧照江水如荑手引蔓絲遲稜稜光影出漣漪
捉籠乍露黃金釧拂浪從沾白紵衣攬盡江春情未足
明璫欲贈將誰屬縹緲雲波望所思所思不來心斷續
易滿歸舫奈若何不怨菱少怨菱多

遊會仙觀尋何仙遺迹

高臺鳳去何曾返况是飛仙豈易尋雙履已迷駕霧迹
一泉空想似冰心遺容潔盍塵難染舊夢清時雨亦沉
應向羅浮笑鮑葛倡隨猶自到如今

過增城懷張烈侯

帶礪何曾似昔時故侯心迹野人知顏卿舌在寧從賊
侯罵闖賊不屈蜀相身存尙出師一片敗雲連陣没百年燐火

雜星移勝朝義烈 今朝重好檢遺篇付所司

是日讀
矣遺集

寄陳獻孟求訂拙集

居鄰仙窟宅真不忝仙風踪跡朱明遍文章抱璞同著
書余亦爾持論未能工秘要倘相授信憑么鳳通

金陵蕭貞女詩并序

貞女金陵蕭允嘉之仲女也許聘唐緯臣之子
郝書未嫁而郝書卒女奔喪誓志孀守以節孝
聞迄今垂二十年年四十矣親黨稱祝來徵余
詩為賦長句

縞綦能代白華身孝養曾經二十春稱婦猶然不字女
辭親已是未亡人堪同夜月凌秋淨長與寒花競雪新
誰肯鬢眉讓巾幗二心從此媿為臣

送家基彩入都

額頭暑退曉涼生匹馬迢遙萬里程想到都門冬漸近
早朝破雪玉階行

一麾初出 帝城中通守威儀五馬同何處故園最相
憶行春滿路好花紅

過訶林訪敏上人不值因柬

梁唐古寺粵城隈碑碣蒼蒼掩綠苔訶樹已隨虞苑沒
菩提曾是竺乾來許詢偶過欄空倚支遁閒遊錫未回

眼底風旛向誰問戒壇斜日重徘徊

歸燕

春社復秋社貧家爾久依將辭故壘去猶戀主人飛花
柳長勞夢江湖暫息機因君感行役歲歲別柴扉

登青雲閣懷倪葵明徐戢菴兩明府

憑欄天際獨沉吟物色蒼茫自古今半額月明雙塔迥
萬松烟暗九橋深靈區尙滿衣冠氣勝迹長畱締造心
怪得遊人思召杜當年碑碣總生金

拜月詞

閨閣從來貯恨深每逢清影卽沉吟下階不用頻頻訴
天上人間共此心
兔冷蟾寒幽怨多佳期空妬鵲填河笑他閨閣焚香夜
不禮星姑禮月娥

過熊開心經畧生祠同陳崑霞同年太史作

五額曾煩遠視師七藩旋報建牙旗魚馴惡渚功難沒
虎逸巴山悔已遲豈謂武安無後禍終輸夷甫有前知
靈祠爽颯瞻遺貌長為英雄失足悲

端江舟中感事八首

洞房初罷宴卽向此中行未解傷離別誰知隔死生燕
巢畱積恨蝸角悔微名昔歲奔馳地重過淚滿纓

伏枕彌留日依依骨肉親分荆憐一體寸草戀三春虛
作再生願頻將後事論不堪重記憶遺囑最酸辛
少小勤書史戲遊總未曾寒燈常夜坐殘月每晨興
與諸生列愧承使者稱無成空負汝祚薄本難勝
歷齒蓬頭慣婚姻叨盛儀婦家紅線幕翁宦白雲司倚
玉真堪戀沉珠不可追堂堂甥館在長使九原悲
獨活欄邊草孤生膝下兒誰憐遺腹日正是拔心時乳
燕朝朝哺啼鳥夜夜悲不知晉趙武何以報親慈
反哺烏長往單棲鵠可憐同年剛百日代養已三年綽
楔何時立松筠且自堅精魂如有覺感激在窮泉

誰道新婚別翻成永訣期撫孤延視息罄室自支持覩
此故雄戀彌深舐犢悲寸心容百感怪得髮顏衰

端水多名勝曾携愛子遊披雲尋石室吟月上江樓饌
有嘉魚設人頻蕉葉投凄然思往事不忍久維舟

此第一章
錯置于此

秋日陪陳崑霞同年過長壽禪林訪麥仲詒不值
歸後見寄次荅

郭外禪林久借棲青山何處更扶藜散花臺寂僧同出
看竹人來鳥自啼名輩風流虛枉顧舊遊心事惜分携
幽情怪得瑤箋滿藹藹停雲直與齊

同陳崑霞同年再疊前韻酬麥仲詒

心逐樓雲不定樓平疇彌望接蒿藜高秋簾箔千家捲
薄暮烏鴉幾樹啼謝朓偶來同嘯傲許詢何處遠招携
醉吟有約重相過寺角梅花白又齊

寄上余黃岡夫子

十年門下受恩人解組驚聞別恨新宅柳定從歸日種
蹊桃長發舊時春路懸額嶠雲遮盡地隔湘江夢到頻
記得後堂開宴處綏州城裡月如銀

次和李介人孝廉岡州古迹詩共七題

岡州

元熙曾置郡貞觀始移州夾水開廬舍依山起堞樓高

雷當孔道溟渤接洪流自是咽喉地名臣藉運籌

先儒開絕學鄒魯屬南州昔日談經處今餘韞玉樓遙
聞尋勝迹雅意慕清流墜緒畱狂簡輸君已一籌

玉臺寺

真成天上寺千仞俯高岡海日蒸寒砌山雲閉古堂劫
餘松檜盡春在澗溪香喜有驚人句來題薜荔墻

西巖

只在巖城裏巖巒靜且深榕根細絡石磴道曲穿林結
構當年事登臨異代心朝來逢謝客不負此山岑

謁白沙先生祠

遊人今古駐征鞍故宅由來似杏壇鄒魯自堪流遠澤
 陽春長得散餘寒樓中玉在烟猶暖臺畔雲留雨未乾
 瞻拜不須尋往迹花開十丈倚欄看
門前花十丈 先生示張庭實詩也
 楚雲臺
 遺碑無復舊書丹臺沒荒原草露殘怪得遊人偏悵望
 楚天迢遞片雲寒

邑乘曾聞用楚材三湘歸後不重來浮雲變盡文章在
 登眺何勞覓舊臺

嘉會樓

得聞嘉會盛文流千載人尋江上樓猶見先生舊來意

奏對從容及臣里是誰文體似相如

寄懷石樓家岳侶明府

翹首揮絃處迢迢夜夢多遙憐種樹好其奈守株何列
 宿明三晉卿雲覆兩河待公還 北闕投耒逐鳴珂

夏至後三日集何野望城南池館同賦一物得荔
 枝用五歌

園林至後好丹荔正盈柯色與朱華並靈鍾火德多能
 消金肺熱堪映玉顏酡不有紅雲讌其如此日何

夏日友人過集仙城寓齋賦得薰風自南來

客裡醉吟好薰風正及晨未須愁赤日先已起朱垠澹

送荷香遠輕搖柳浪頻迢迢到北牖快煞羲皇人

呈法撫軍十首

肺腑親臣出 帝心眷在東趨 朝簪獬豸度額御花
驄潤物恩膏潤籌邊鎖鑰雄范韓今始見歡溢百蠻中
銅陽鍾王氣勳伐起從龍鐵券山河壯朱門祭戟重貴
真逾七葉學更足三冬早識持鈞軸庭槐蔭漸濃

德已臯夔並貴仍許史同枌榆連 玉殿瓜葛繫 璇

宮豈獨論中表旋當位上公何期謝紈綺節儉挽頽風
綺歲文場戰居然冠禮曹天人三策富姓字五雲高
御墨沾緇帙宮花艷綵毫金華著作在額表藉甄陶

奏對從容及臣里是誰文體似相如

寄懷石樓家岳侶明府

翹首揮絃處迢迢夜夢多遙憐種樹好其奈守株何列
宿明三晉卿雲覆兩河待公還 北闕投耒逐鳴珂

夏至後三日集何野望城南池館同賦一物得荔
枝用五歌

園林至後好丹荔正盈柯色與朱華並靈鍾火德多能
消金肺熱堪映玉顏醜不有紅雲讌其如此日何

夏日友人過集仙城寓齋賦得薰風自南來

客裡醉吟好薰風正及晨未須愁赤日先已起朱垠澹

送荷香遠輕搖柳浪頻迢迢到北牖快煞羲皇人

呈法撫軍十首

肺腑親臣出 帝心眷在東趨 朝簪獬豸度額御花
驄潤物恩膏潤籌邊鎖鑰雄范韓今始見歡溢百蠻中
銅陽鍾王氣勳伐起從龍鐵券山河壯朱門荼戟重貴
真逾七葉學更足三冬早識持鈞軸庭槐蔭漸濃

德已臯夔並貴仍許史同枌榆連 玉殿瓜葛繫 璇

宮豈獨論中表旋當位上公何期謝紈綺節儉挽頽風
綺歲文場戰居然冠禮曹天人三策富姓字五雲高
御墨沾緇帙宮花艷綵毫金華著作在額表藉甄陶

真不媿名世 深宮啟講堂微言綜列聖經術授 諸

王 鶴禁清風滿 龍樓白晝長方當崇坐論先命宅

南荒

儒臣開幕府遠近仰丰標甘雨滋千戶清風肅百僚桑
麻多蔚起臬鏡已潛消生殺同天地真堪翊 聖朝

甲乙論文細丹黃自不訛珊瑚偏入網翡翠已全羅共
仰鑑衡正還聞吐握多窮簷諸士子鼓舞欲如何

鑒物如懸鏡求言尚若斯芻蕘能不廢風俗始全知已
擅淵魚察還消市虎疑覆盆從此照天日本無私
豈有金甌缺心存保泰和沿厓布虎旅守險靜鯨波雨

澤隨車至霜稜拂路過鮫居與龍戶到處溢謳歌
載誕先儒地巡行暫駐軍簪裾搖碧玉旌旆拂黃雲道
以承先重情應訪古殷尚餘狂簡在期望振斯文

秋日同社中諸子集李介人靜坐軒分賦

轅門鼓角秋風裡後院亭臺烟靄間明鏡兩函侵檻水
翠屏六幅隔城山西園公子剛開宴南國詞人盡愛閒
猶許酒徒同散誕醉殘紅燭夜方還

九秋詩并序 錄八

九秋詩者友人李介人孝廉悼亡後之所作也情詞凄婉余哀而和焉

秋燈

短檠秋先入寒光伴索居萬形皆寂莫四壁自空虛花
落微霜後人醒冷雨餘下幃照羞臉猶為憶春初

秋衣

客裡初開篋秋風感已深蟬蛸新物色蟋蟀舊人心振
去憐香在披來惜露侵翻嫌簾幕外頻送女郎砧

秋聲

爽氣初成籟聽來似海波每從天末起只在樹間多肅
殺真宜爾凄清奈若何悲秋人不寐莫向枕函過

秋帆

掛席西風裡凌虛破晚潮斜陽片影疾空水萬程遙葦

峴花頻落楓林葉正飄何人思海客倚檻望迢迢

秋漏

秋入銅壺水含霜韻更清迎寒知律變不息見天行夜
永聽難曉年流感易生漫勞更吹角滴滴是商聲

秋陰

爽極變陰晦半空日色淒雲因含雨密天為釀霜低野
曠行偏好樓高望易迷却憐增暮靄籬菊養初齊

秋光

秋光明又淨是處總相同曉露兼霜白殘陽帶葉紅蕭
條意不盡清迥望難窮何事針樓月還來照客中

秋夢

三載常勞夢秋來復此心幻緣終不斷魂氣自相尋冷
燄畱殘燭微寒壓薄衾霜鐘驚易醒追憶尚沉吟

祝寧陽張坦園明府

從龍勳伐壓京華十乘朱輪萃一家躡月久扳天上桂
乘春更種縣中花仙岩烟接嵐光潤銅鼓濤衝石角斜
俱是使君恩澤地弧辰歡共醉流霞

畫蘭同用十四寒

叢叢香結墨光寒沅澧風流別一端公子漫勞生遠思
同心長得共盤桓

集石浪園詠瓶梅同用一東

瓶裡梅花好燈邊氣欲融一壺冰映玉幾片雪臨風疎
影幃屏上寒香几案中羅浮休遠夢正有美人同

秋柳

更無鶯燕有寒蟬堤岿蕭疎總可憐記得春前曾惜別
幾枝籠雨復籠烟

風前無復舊嬌嬈只剩愁眉與瘦腰為報微霜休更落
憐他絲緒一條條

裊裊纖枝易觸愁閨人曾悔覓封侯朝來一倍傷搖落
莫轉斜陽過小樓

青青猶憶舊時顏泣露啼霜轉盼間莫與黃花爭歲暮
好憑青眼望春還

集蕤園詠寒山得五歌

一抹曾將比黛螺看當凍後更如何巖凝氣色中峰見
慘澹烟雲絕壑多正好探梅同躡屐是誰衝雪獨捫蘿
岳僧况有登臨約敢憚毳袍策杖過

冬日集玩鵞書屋望圭峰白沙子讀書處

文恭辭徵聘講學玉臺側人代雖已遙流風在泉石郎
公擁麾來才與右軍敵玩鵞啟華軒芳筵畱上客招邀
及魯儒宴酣從所適北牖見圭峰寒翠落几席緬緲懷

先賢指點舊遺迹合座同歡慶高山仰無斁

冬日陪許蒼嵐明府郎亦傳副戎姚非漁明經西
巖讌集

西巖草堂對峭壁絡石榕根紛如織松筠古色凌寒冬
滿天沉綠地蒼碧蛇盤磴道上山亭蘇公棲托存故迹
公會一出宰匡城掛冠歸來臥泉石昌山賢侯舊部民
追往尋勝此登陟儒將海西風雅才經師中節文章伯
為愛朋儔結騎來主人掃石陳讌席招集高陽舊酒徒
顧曲傳觴窮日夕吁嗟勝地不可常名流雲合更難得
願畱篇章勒高崖長為林巒增氣色

送許蒼嵐明府還三城

北風寒凜冽道途盈雪霜送我素心人顧瞻生徬徨公
才如許靖為官類柴桑昌山一片石千秋不可忘梗泛
趙尉城卷帙艷詞章振采騰鸞鳳吐音叶笙簧把酒命
儔侶日夕相酬倡盤敦主夏盟南軍賴以張尤工於水
石技捋顧長康閒來或寫生尺幅等球瑯故交新移鎮
相邀來古岡瀕海懷賢哲逢厓感興亡名園與勝迹策
蹇恣廻翔洪篇發麗藻川岳增輝光僕才本駑下十載
共壇場世人貴蕭艾芷蘭謂不芳惟公力獎借齒牙流
清香今來數晨夕鬱結解中腸無端回征轡悽惻上河

梁欲畱逼歲晏後會望春陽

送姚非漁

何事陪公讌衷情輒細論詞場新雁序交譜舊鴿原雪
裡歡聯句梅邊悵別魂河橋不忍上所感在同門

令弟
燕思

與余
同譜

義俠姚明府騷壇復主持胸藏五色錦人繡萬家絲君
屬阿咸列余叨越石知歸憑將款曲未敢謝恩私

壽郎母獎太君

出羣才望豈無因文酒空勞逐後塵一自周瑜容拜母
始知陶侃藉畱賓傳經尚憶熊丸舊迎養何慚鳳諾新
最愛戟門稱慶日梅花開徧雪初勻

餞梅

無端玉笛忽吹殘不待春風意已闌把酒未能忘眷戀
空山曾共一冬寒

一杯相送逼殘年南北枝頭總可憐莫怪東風畱不住
等閒桃李卽爭妍

幽香散盡獨沉吟滿地瑤華雪正深有約來冬應不負
與君同抱歲寒心

集小滄浪送許蒼嵐明府姚非漁明經還廣州

詞場分袂正匆匆訪舊滄浪又暫同茂宰經營前度盡

騷人詩賦後來工
臆殘岍柳先舒綠
地煖江桃已綻紅
轉盼粵臺重聚首
棠梨花下醉春風

寄懷王孝廉

望重天南數十年
入都人識孝廉舡
雄才謾以遺珠恨
清操還因韞玉傳
名輩風流傾一代
諸侯禮數絕羣賢
腐儒緩急承高義
未報平原每赧然

丁酉小除夕宿一槩堂同何雨望作

廿載留賓館纏綿
是中歲行五日盡
人尚一杯同舊
事憐聽雨餘生學
轉蓬明年今夜酒
何處蠓燈紅

冬日郎亦傳副戎
招同許蒼嵐明府
姚非漁明經

暨難弟長公小阮登馬山待月

登高不用出巖城
署後青山散認行
薄暮烟如雲海濶
中宵月照雪峰明
一門詞賦傳弓冶
二仲才華羨友生
良會莫辭談達曙
他時回憶最關情

花朝集玩鶯書屋為郎亦傳副戎壽

戊戌

戟門介壽許招携
未減蘭亭讌集時
客似步兵羣鬪酒
人推開府最工詩
花朝庭院鶯聲嫩
社日簾櫳燕語遲
嘉會剛逢繁艷節
歡留竟夕不須辭

題松鶴圖

君不見黃山松枝柯
不改長摩空
又不見青田鶴高舉

翩翩翔碧落援毫寫將入丹青偃蓋重陰蔭修翎恍惚
當年所遊歷松風謾謾鶴和鳴霜條雪姿真堪並龍鱗
鳳翼交輝映茯苓本是還丹資騏驥堪爲仙子乘我友
夙稱間世才組練驅軍海縣來軍政豐暇華堂啟要與
松鶴共徘徊朝來賓至何雜踏良月懸弧年週甲爭羨
喬松海鶴姿高齡遐算誰能及我來作歌爲公祝願早
鑄銅標海曲功成便與赤松遊蘇耽騎鶴飛相逐

酬朱吟石用枉贈元韻朱韶州人

故人十載嗟離別不見詩家舊典型魂夢久曾瀧水戀
帆檣誰料海濱停深談往事杯浮白細認頽頽鬢少青
明日河梁重判袂前期何處合風萍

十放詩

放雲

羽客遺盈盒山堂手自開暫畱潭底影旋向岫中回化
去終爲水屯時或起雷何因成五色應是近蓬萊

放鶴

雪羽曾經鍛高飛得自今人羣休悵望仙侶好追尋明
月無畱影閒雲是素心附書來閭苑應認舊松林

放鷹

物性豪雄在天心肅殺同柔絲初解臂健翮已盤空烟

峽山堂二集
三
烟高秋日蕭蕭曠野風用飢原有道一任入雲中
放鴨

暖日開欄早成行出每齊羽毛漸遠舉湖海樂卑棲滯
穗猶緣畝清波正拍堤歸時聽暮鼓一笑報潮雞

放牛

農隙罷扶犁投閒飲齧齊水田泥活活平野草萋萋鬪
莫矜長角眠教養健蹄牧童更蕭散吹笛暮山西

放驢

竹策敲吟並看殘畫裡山道途長日苦芻秣暫時聞息
足原田外磨肩壠樹間夕陽門未掩村店暮應還

放猿

廊廡憐羈滯故山許爾尋好酬連臂願免聽斷腸吟月
照流泉冷藤垂古峽陰危機猶未息容易莫投林

放魚

豈因搖尾感涸轍最憐伊正有潛淵望剛逢得水時江
湖天浩渺蒲藻影迷離寄語濠梁客從今樂可知

放蝶

撲來翻愛惜文采似君稀金粉成嬌質雲霞作畫衣宿
花原並命避燕亦雙飛莫戀園林好羅浮久不歸

放螢

熠熠蓬根裡輝輝井檻中生原因腐草光不滅尖風星
小飛相亂燈寒燄可同照書慚老眼一任出簾櫳

九春

春山

絕巘盤雲處處幽快人心目在登樓晴明一望嵐偏膩
烟雨千重翠欲流看黛漫從鏡裡學髻螺曾記畫中遊
相期杖策乘芳節看偏巖花盡日留

春江

鴨頭新綠水盈盈遠接牂牁近抱城雨過社公波漸潤
風來少女浪頻生是誰折柳臨涯別有客尋花隔岸行
一葉未方春已老急流相對總心傾

春田

策杖平疇東復西軟風吹面促扶犁土牛鞭後絲絲雨
秧馬行來活活坭傍壠早花紅壓路灌畦新水綠盈溪
菑畬莫漫嫌早下新令勸農力作齊

春閣

盡日牕開不自聊東風簾幕在層霄三重階繞花千瓣
十二欄圍柳萬條山疊螺痕征路遠天垂卵色別魂遙
欲舒老眼翻惆悵春恨憑高未易消

春樹

東風披拂已如今此際全窺天地心
萌蘖氣從寒後發芳妍色向雨中深
看花偶過偏憐影藉草閒來亦借陰
不那暮雲迷遠望懷人相對易沉吟

春烟

漠漠隨風幾縷輕遊絲纖細漫相縈
乍從拂檻花邊散旋向斜橋柳外生
渡海帆移空掩映倚樓人立未分明
最憐寒食禁難得遮斷天涯悵望情

春甕

何年掘地得佳甕美釀經冬醞在茲
紅杏拂簾相抱處青梅如豆欲開時
興來莫負雙鶯語醉去應忘兩鬢絲
浪笑醞雞天地小此中春色有誰知

春笋

綠滿淇園暖乍回數行旋見破蒼苔
經冬屈作龍蛇蟄此日生緣雨電催
方寸誰知高節在纖柔先得直心來
請看長養風多後枝幹凌雲葉自開

春菜

青藍碧綠各成行不負經年抱甕忙
甲坼豈能忘雨露辛盤今已薦馨香
逢時葉免傷虫蝕漸老花仍引蝶狂
敢以素庖輕肉食一生藜藿是肝腸

十野

野橋

一木如槎小遙當谷口風斷厓仍得路淺渚亦行空寂
莫烟霜外橫斜水月中扶藜看倒影獨往與誰同

野徑

荒原破一線寂莫少人過直接蝸廬僻斜通虎落多蓬
蒿聊復爾松菊竟如何太息城南路車塵擾薜蘿

野廟

野廟臨荒岫奔流咽晚風壓簷江樹碧上砌土花紅氣
肅陰森裡靈揚峻險中莫言香火冷望祭客舟同

野艇

小極青蜓似長維古渡邊黃沙三尺水綠樹一厓烟鷗
鷺閒如此江湖意渺然何勞安兩槳空為莫愁憐

野渡

何處尋津口漁樵路半荒沿涯沙皓白隔水日昏黃地
迴人烟冷天遙客思忙一篙微見影招手荻花旁

野店

山麓茅茨在門前草色深墟侵黃竹影帘捲綠蘿陰落
日征人眼寒宵倦客心雞鳴更淒絕殘月照荒林

野塘

寂歷郊原外澄澄靜不波倒懸山似黛平望水如羅非

種蝦撈易無名魚產多與誰一竿竹垂釣傍烟蘿

野戍

望中疑廢壘蘆葦總蕭蕭寨柵斜因樹烽臺半蝕潮
荒人跡渺江靜柝聲遙猶有防危意萑苻已久消

野菜

結向荒山裡霜前纍纍紅生惟資地力美不藉人工
食爭猿狄分甘及豸虫金盤誇供御香味得毋同

野菜

叢生難識別一一屬天成秀每因時令甘原是物情
畦那復事澹薄只聊生却笑尋芝草療飢反近名

壽沙村司巡

籍籍鴻名灌耳來江村人幸得春臺鸞於枳棘何妨借
驥出風塵未易才綠徧葵田千畝合紅翻菹浪兩厓開
陽和處處皆恩澤爭向公堂獻壽杯

贈馬玉符卽送其還都

大隱京華六十秋遠來爲訪東諸侯几筵偶得逢青眼
意氣最憐共白頭地主殷勤他日約天涯兄弟暫時畱
河橋未上先翹首隔嶺雲烟起別愁

題卽將軍小影

十載名高上將壇短衣苔石偶盤桓正當羽扇籌邊日

莫作南陽隱士看
黃雲天外擁牙旗不異閒園坐嘯時持報都門親串道
詞華今正耀南離

題何然友世講小影

岼然孤坐聽松濤名士風流每自豪誰為傳神在阿堵
風前痛飲讀離騷

黃壚昔歲共而翁文酒年來諸父同却愛阿咸能作達
一門俱有晉人風

夾竹莢花

作浪化龍且莫論此君輕薄豈無因曾從王子看來貴
却向劉郎去後新勁節穠姿俱絕俗綠陰紅雨總關人
花源路口淇園裡輸爾能兼兩地春

虞美人花

垓下萋萋野草春英雄遺迹總酸辛五年霸業消沉盡
却向名花認美人

霧臉烟鬟別樣妍虞兮風格似當年自來好色推隆準
曾否遺芳許見憐

死戀重瞳幽怨深花開猶見美人心漢家妃后多蕪沒
輸爾紅顏艷至今

夏夜同巖靜功麥仲詒宿長壽寺六離堂分賦呈

湛上人兼寄諸同學得一先

宗雷何處共留連約向東林避暑眠積雨池通流水活
倚風樓閉定鐘圓天人並立惟清夜衰壯全忘是悟年
好友不妨同問法熱心容易托枯禪

生朝集長壽禪院賦呈諸同學

三生石上憶從前皇覽重經一惘然草木豈能酬發育
虛空何處認因緣香風亂落簷花雨塵夢全消島樹烟
莫向諸天論甲子大千世界總忘年

讀佟醒園聽猿吟題贈

有序
醒園令祖僉憲公卓死經畧熊襄愍廷弼之禍而外大父侍御吳公裕中亦以觸魏璫遇害俱

葬楚中醒園省墓凡四至因名所作曰聽猿吟

翩翩才調久聞名滿帙琳琅韻更清人是鳳毛元五色
句同猿嘯過三聲先臣節義傳詩史詞客風流托墨卿
莫怪中宵頻撫卷從來騷賦易關情

夏日鄭珠江先輩招同巖靜功麥仲詒陪陳明府

集仙湖池館分賦用四支

薰風門巷雨絲絲二仲相携日暮時杖屨剛隨陶令後
醉吟同赴謝公期池通湖水侵堦上樹雜山雲壓檻垂
未必雲亭能似此何妨問字各歸遲

祝宋澄溪先生

具區韞靈異篤生間世賢
廐畱御史驄湖剩孝廉
船明經繼父祖麗藻流簡篇
季父位調燮朱輪十乘聯
公倍持謙謹揣摩惟精專
親民試出宰秦趙騰歌絃
奏最蒙上賞觀察任旬宣
濟東數千里政亮而刑平
功成謝簪組言歸葑溪田
青雲生膝下趨朝相後先
長公端州牧五馬何翩翩
公緣鼎養來綵服繞華軒
崧臺餘菊茂石室早梅鮮
嘉辰逢岳降上壽啟芳筵
賓僚與親串黼黻雜貂蟬
稱觴傾兩粵車馬互喧闐
僕本嶺海士採藥羅浮巔
遙奉一玉箱為公久延年
延年期再起黃髮秉朝權
無為學用里長臥橘邨烟

美人磨鏡詞

古鏡昏昏如死魄
美人何處見顏色
憑將負局施鉛水
土花洗盡菱花起
玉臺高揭光泠泠
春風鬢影艷傾城
傾城只有鏡中配
願爾長明不願晦
從茲拂拭倍纏綿
一回臨照一回憐

荷錢

荷葉如錢小
參差子母同
誰從阿堵裡
散向野塘中
出水青堪選
臨流數未工
香醪買不得
買得是薰風

過南園懷五先生

有明作者競揚鑣
詩社南園韻更超
七子漫言追鄴下

五君先已動中朝唱酬尚喜流風在棟宇堪憐冷露飄
誰學昔年陳相國頻來此地共招邀

當壚曲

春氣茫茫酒氣清杏花村路獨含情當壚縱有文君在
滌器何人似長卿

帘畔花枝正艷時當壚人復勝花枝阮嵇醉殺尋常事
况是少年輕薄兒

西園人送菱藕喜賦

菱藕消夏宜美是西園最西園郡郊西土膏滑而膩鏡
花作實繁葢葉蟠根大色香繫夢魂望之如望歲遠致

紅白兼觸目心乎愛剝仍兩角存剖餘七竅在入手雪
霜寒著齒瓊瑤碎豈異澗溪毛胡竟成沈瀝飽食靈府
清酷吏告迴避物理重縈瑩况復遭時會作歌表深情
冷然自尋味

鶴頂紅花

仙鶴凌霄日霞光與頂同尚畱一點色占盡百花紅月
露能為骨丹砂自作叢繞欄雞冠好未許入羣中

浴日亭和東坡先生韻

海色猶昏昨夜天忽驚靈景逗黃灣波涵赤暈成丹水
風捲紅潮作火山正屬晦明交氣象何來光彩上容顏

陽和散滿人間世只在升騰瞬息間

甘灘漁父詞

灘頭灘尾雨還風上水船如上半空莫向急流窺進退
得魚多在急流中

雙槳輕搖網乍收上灘流過下灘流上灘流急下灘緩
急處求魚緩汨舟

青蜓艇子水中居歲歲鮮魚賤作蔬四五月間魚更美
黃魚膾罷又時魚

一灘流水舊時春浪裡漁舟往返頻誰見狂瀾不袖手
世人多媿打魚人

羅浮五色雀歌

羅浮仙山羣仙府靈雀紛呈五色羽元端縞服及青黃
翼衛朱衣為共主此中乃是朱明天朱綬為君理則然
羅列追隨若分職導前仍有鐵冠先亦有一禽兼五色
亦有雜糅朱藍飾一一皆名小鳳皇羽族英華此為盡
疑是麻姑五色衣蝴蝶同化生光輝不然五星聚牛女
散作羽儀耀南土不然一股蓬萊山雲氣變幻成編爛
吐音况復中韶舞喜近賢人與仙侶一日數朝不憚煩
常人一見偏不許鐵橋往日枉相迎非仙非賢深媿汝

臺關

支分衡岳勢孱顏牛女天邊競往還水接貢章雄二庾
地連滇武壯三關尉佗設險咽喉上楊僕過師枕席間
爭似臺侯能助順姓名長得並河山

陽門磴道似盤蛇魚貫行裝一線斜結綬客爭來仕國
彈冠人競上天家越裳翠羽無畱影漢將紅梅有剩花
不是曲江開闢後誰令文物接中華

集小滄浪觀競渡各賦一物得長命縷

競渡同觀水一方臂纏五色盡紅粧長絲豈為蛟龍懼
要為同心續命長

蕤園古葵樹行

蕤園葵老幹轟轟百尋直上無回曲身紋連瑣葉如箕
高蔭森寒障天綠岡州土物此其魁葉作團扇傲月裁
歷經農工與女手貿遷生殖日中財仁風遠播徧寰宇
少物不能供多取畫井計畝復分行栽徧城南無剩土
六十年前西賊橫伐取填河直壓城城中復取充糧食
遂令萬樹成晨星獨此八株存舊本雪蕊攢為青雀卵
一叢數斛懸高空着地吐芽雙葉短亂後園田千頃開
盡從此地得根芟古質獨含生生氣高人愛之比瓊瑰
築廬其下恣遊行孤標上客畱顧盼棕櫚是弟桄榔兄
北人初見總難辯此物由來絲臬同却暑驅炎等御冬

旋轉陰陽殊有力願爾萌生永不窮君不見腐儒落落
百年中天畱碩果啟童蒙

翡翠

漫詡漢廷貢重憐珠樹行倡隨原並命紺碧自成章織
婦裁衣麗佳人拾羽忙小堂巢壘好誰復羨鴛鴦

石門

石門阻險原非計尋陝才過勝勢全呂相罪浮膠后上
樓船功在伏波先受降壁壘迷秋草割據山河冷暮烟
回想趙佗真卓識高臺朝漢已多年

夜闌以題字為韻

日中香不聞露下濃於麝信是女郎花媚人偏媚夜
結體憑風露清芬並澧蘭殷勤謝公子願結夜來歡

颶風歌

倏雨倏晴氣鬱蒸凝陰壓陽雷無聲元黃混濁成鐵颶
鬼宿值節信有徵斷虹先期飲海水海底呻吟黑漚起
青蜓聚市蟻蛭遷羣鳥驚悸葉南指詰朝飛廉果奮迅
掀天翻地輾風輪波濤搏卷作山立山石轟飛揚灰塵
或旋羊角採林樾十圍大木無固根積稗重茅漩渦上
久駐高空雜亂雲有時直衝恣狂奔僵仆牛馬壓墻垣
千村萬落振屋瓦拉雜似摧昆陽軍雨雖傾壺非直下

橫斜爭訝弩箭攢高原下隰通河海天吳水怪肆併吞
園田掃蕩更湮沒禾稻果蔬無一存倉卒困如魚在罾
異時荒飢寧暇論從來颶起多東北蕩西回南有成式
間由西北轉東南四風不全勢不盡勢之暴者只週時
緩則三七日乃息此風不作已多年回思猶自驚魂魄
昨當農隙復小試損傷幸未妨稼穡分明有道消災稜
衢巷何人知 帝力

倚杖

一杖閒中倚斜陽下竹扉生平惟任運身世且因依山
翠濃千疊村烟澹四圍茫茫何所適此際已忘機

拄向榕陰去依回步履停潮侵荒岬碧苗際遠天青晚
目傷寥廓秋心入杳冥欲歸且延佇蟬唱滿林垌

張文獻公祠

女牛天半啟牕扉長使行人仰衮衣文藻輕縑流逸韻
勳名金鑑耿清輝素鳩無復庭階出海燕空尋額樹歸
莫怪登堂久延佇當年風度尚依稀

開元遺事久消沉讀史猶存感慨心夷甫早能知石勒
灌侯誰料奪淮陰辭榮迹向荆門遠念舊恩從蜀道深
一代安危關去就無慚俎豆曲江濤

明皇欲相牛仙客
公有淮陰羞與絳

灌為伍
之語

韶石歌

韶石崔巍三十六蒼翠照人峙空谷擎天拔地一千尋
玉柱如林森矗矗餘外紛紜狀不同小者祝敵大鐘鏞
傳聞南狩此奏樂得毋此石其遺踪天闕雙峰更突兀
二樓相望成宮室香爐寶蓋與御屏儼然南面垂衣日
我來忘味思元音擬向此中尋髣髴薰人只有解慍風
帝琴不和湘靈瑟莫歎沕穆聲無傳無聲樂在有聲先
但令海枯石不爛簫韶終古在南天

七夕分得擬祖詠并次其韻

填河河已合問夜夜方闌乞巧絲藏盒迎仙果薦盤隔

秋驚別易連夕聚歡難到處針樓月閨人脉脉看

許蒼嵐明府自瓊南還廣州招同友人讌集別後
却寄兼問姚非漁病

許靖重逢自粵臺南行觀海棹初回風濤路遠詩千首
離合情深酒百杯饌出瓊厓皆絕品人兼晉魏總清才
懸知別後頻公讌曾否劉楨力疾來

期願上人不至却寄

別時江寺共探梅悵望俄驚兩歲來修問為聞名岳返
報書曾許故園回緒風驅暑清金界新月涵秋朗玉臺
正好相携修社事曇雲何處重遲徊

香珠

香珠夥夥自勻圓好教佳人玉臂纏
荀令爐香那得比清薰長是泥人憐

一團貫就念珠長花氣全歸百和香
入手惹人生愛戀世緣難斷媿空王

賦得秋日懸清光

炯炯清秋日高懸依上蒼半空流素景
一氣散輕霜影逗疎林碎輝臨綺戶
方迴光如肯照畏愛總相忘

賦得青雲白石聊同趣

青雲縹緲在高空白石沿溪碧蘚叢
佳氣正當籠日處

逸情偏在激流中從龍象與化羊異行
雨心仍礪齒通

聊共激昂歌研爛用激昂青雲及南山白石語此中意趣本來同

閩中秋次許蒼嵐姚非漁唱和原韻

五夜登樓興尚存瓊筵歡復倒芳尊
霜中恰長奠三度秋半剛圓月兩番
較去光華曾不減照來冰雪若增繁
幾何秋閩逢茲夕擬更乘槎泛海門

閩中秋後四夜舟次石壁遇郎副戎亦傳任肇楚

許亮敷何日友分賦得四支時余將赴羊城諸

公同歸岡州

客舟薄暮聚江濆邂逅良宵似夙期
月減已逾三夜望

茂山堂二集
閨來仍是半秋時光搖絕壁漁燈亂響度荒林戍鼓遲
莫惜唱酬同達曙明朝還暫悵分岐

閨秋張損持先輩招同家王顧孝稗涵一陳端木
聖取屈甘泉黃漢人韓橋村羅浮山鍾勺金張
虎文龐處仲方期王客僧李葆光鄺白池讌集
湛思亭許蒼嵐明府適至同賦以白雲抱幽石
起興分韻得携字

白白高天雲光與日月齊珠江有幽石乃煩遠縈締英
英張吳江飛步凌丹梯從容詠玉繩焜煌頌碧雞高文
昭典冊剔畫書金泥世人多聾聵翻作反唇稽惟公為
司命疾呼醒羣迷軒車昔臨粵斯道首唱提屈陳與族
父華藻同根柢海潮有消長溝水易東西今來訪故舊
黃墟感阮嵇流連及秋閨紅葉滿江隄撫時發逸興開
宴廣招携下交兼長少紛錯雜輪蹄復值宦遊客闌入
無町畦共為文字飲歡笑倒玻瓈較量風雅言唱酬忘
日低僕才愧前哲學峰徒扳躋追隨賦公讌砂礫雜懸
黎庶藉齒牙論聲價增品題

醉芙蓉同許雁洲家叔師白作

芙蓉幻出異根苗色相長分暮與朝每對曉霜矜白誓
還因斜日暈紅潮脂從粉上施偏艷醉較醒時覺倍嬌

應為酒人居止近一秋頻得濁醪澆

重陽前一日招同萬字兆太史郎亦傅副戎暨同里諸子集蘇氏西岩用西岩二字為韻各賦七

律二首

謝家亭館石林西幾日空階落葉迷高會忽迎宮錦客
佳遊同覓女蘿蹊塞鴻應候來偏早籬菊先期發已齊
何必明朝方盡醉名流寧易得招携

前山同愛夕陽銜觴政紛紜不立監九日心情催麩葉
一城烟靄亂松杉右軍腹笥元難敵左史才鋒更出凡
酬唱莫嫌歸路晚即看弦月上幽岩

九日承郎亦傅副戎招同萬字兆太史車望亭邑
侯何蒲澗野望任大雁許亮剪龍潭觀瀑用李
太白疑是銀河落九天句中平字為韻各賦五

律四首

天半開雲竇登臨客盡疑本源尋始得奔放已如斯觸
石鏘寒玉沿嵯綴散絲流觴宜此地况是九秋期
佳當重九日幕府廣延賓正迓神明宰還來侍從臣有
山皆倚玉無水不翻銀樗散逢嘉會空慚落帽人
奇絕冠天下先儒語不訛風霆翻地軸水雪散岩阿共
赴桓公宴勝遊織女河雲潭如續記崖石即須磨

異境龍湫闕行踪鳥道懸歡乘萸菊節醉倚次寥天岳
色增詞藻泉聲代管絃歸途冠蓋滿光溢此山川

立冬日陪萬孺廬太史集蕤園同賦黃橙分得九

青

莫歎遺筐篚今方貢殿廷坤輿存正色金橘讓清馨陽
朔期剛值冰霜氣盡形採風重南食應首列圖經

立冬後一日石浪園主人招同萬孺廬太史郎亦

傅副戎喬梓暨諸同社賞菊以陶詩懷此貞秀
姿卓為霜下傑句為韻分得傑字一首同用霜

字一首

冬氣逼清秋百卉生機歇籬菊獨向榮葳蕤皇曉節霜
繁色正佳風高香倍冽搖落後衆芳挺作林中傑側聞
城南園廣植成行列紅紫及深黃種類區以別萬朵若
星羅一一騁鮮潔朝士重貞秀幽人喜隱逸同心齊所
懽履痕雜車轍

策杖尋三益冠蓋羅南塘主人肆筵席賞此寒菊芳沿
畦恣幽賞泛英酌言嘗兼云傳服食延年壽命長余生
寡所悅陶情在杯觴客歸逢彥會鬱結寫中腸重九倏
九日歲月如朝霜寧辭宴酣數歡聚不可常申章紀良
晤馨香期勿忘

秋杪登圭峰尋李真人朝斗石因寄社中諸子同
用十三元

盤迴磴道共扳援秋杪憑高酒一尊寒入山光連日澹
雨來海氣與天渾黃雲寺已迷孤嶂碧玉樓空隔遠邨
擬向斗壇求秘要此心堪爲故人言

尋仙剛喜近天門禮斗壇塲片石存無復三更搖玉佩
空餘七曜朗星垣藥岩罷搗聞泉響履綦畱春認蘚痕
若使還丹真可得懸蘿千丈約重捫

送萬孺廬太史

柳營花縣訪交親金荔帶搖紫水濱公讌每驚詞藻艷

離筵旋感別情新恩深馬鬣還鄉日喜動
龍顏入直
辰蚤晚金門趨謁選相期重醉
帝城春

端研贈王晴江系之以詩兼以誌別

羚羊古峽雲帶雨凝深黑絲絲蕉葉紋幻成一片白夙
昔琢雲根携來珠江側人事繼天工精純生潤澤涅磨
亦已屢磷緇不可得平生勞著述未嘗離頃刻故人乃
石交鈍拙同肝膈厚重非少文所賞在元默臨別持相
遺用比君子德願無忘靜貞涵濡資翰墨

壽車望亭邑侯

掖垣華省毓清才身佩銅章出上台三世科名誰得似

七襄雲錦獨工裁
劉生書貯彤廷滿
潘令花移紫水來
蚤識兆民同有慶
生申剛接一陽回

郎副戎幕送趙礪菴携家還閩省覲

因行奠雁駐江涯
趙氏連城四座誇
對玉經旬陪樂廣
述婚今日送秦嘉
越王臺畔帆檣疾
螺女江邊道路賒
想到八閩歡省覲
天旒雙發柳營花

題姚非漁山塘烟雨圖

開圖細認是山塘
一帶簾櫳花粉香
憶向小樓經月住
十年魂夢未曾忘

閨門風雨五更寒
此境何期畫裡看
記得吳儂船上醉

別時燭淚滴紅盤

浮丘井

燒丹遺井在浮丘
訪古情深汗漫遊
伯叔並行人已去
珊瑚携獻話長留
泉心舊是朱明路
地肺元周碧海流
誰與麻姑通信息
桑田無處覓滄洲

陸賈祠

遺踪猶未沒江雲
祠擁高城雁翅分
隔水明珠還耀采
來巢翡翠尚成羣
西秦著論傳新語
南武重臨憶舊勳
不媿越華樓上住
漢廷儒雅少如君

虞翻苑

虞翻舊苑施為寺一代經營託沈寥訶子可能辭剪伐
菩提猶自發枝條英雄淚有禪燈照遷謫愁從梵唄消
莫倚危欄歎骨相石幢旛影話正遙

望氣樓

衣冠識載舊圖經訪古今來望杳冥四面山圍銅柱碧
兩厓烟鎖石門青鯢鵬水濶年年浪牛女天高夜夜星
怪得長留佳氣在中原形勢盡南溟

沉香浦

珍奇投處浦烟深典午清流自古今拂面餘香風不散
浸心遺愛水難沉後來亦有江中硯歸去何勞橐內金

回憶貪泉舊題句夷齊真不易初心

荔枝灣

沉沉香霧濕苔紋猶憶君王酒正醺天外波斯來翠黛
日中丹荔燦紅雲鴻圖已逐歌塵散蟬噪還從輦路聞
入洛定知忘未得頻年歡宴在江濱

素馨斜

內人斜畔渚雲低到眼芳菲遠近迷萬縷情苗青欲徧
一叢香粉白初齊繁華事業歸荒壠艷冶之魂戀大堤
絕勝明妃孤塚在玉門關外草萋萋

抗風軒

行迹雖殊古調同五先生起盛明中高歌尚紀南園日
大雅長留海國風簷外地侵潮水綠檻邊橋壓岼花紅
騷人去後壇場寂擬續遺文媿未工

西岩席中得萬孺廬太史書分賦却寄

人生如萍蓬常聚理難恃及晨逐朋儔取醉寒山裡酌
酒依松杉籌以梅枝紀中觴念歲時漸長驚日晷憶昨
當重陽宴酣同左史一別易秋冬相思空復爾金盤烹
鯉魚俛來書滿紙上言懷新知下言歸故里展讀傷離
居停杯如有待歡會邈前期悵望西江水

西洋風琴

西洋風琴似笙而大以木代匏以青金作管以
葦囊鼓風奏之聲聞百里友人亦傳見自澳門
歸而做作
因命同歌

西洋風琴似鳳笙兩翼參差作鳳形青金鑄筒當徧竹
短長大小迤相承以木代匏囊用葦一提一壓風旋生
風生簧動衆竅發牙籤戛擊音砢旬奏在三巴層樓上
百里內外咸聞聲聲非絲桐乃金石入微出壯盈太清
幽如剪刀裁繡閣清如鸛鶴唳青冥和如鶯燕啼紅樹
哀如猿猱吟翠屏或如邊關晨吹角或如軍壘夜傳鉦
或如寒淙瀉三疊水簾洞口流璵瑋或如江濤奔萬馬
石鐘山下聞噌吰或如獅吼蓮花座裂石破雲天震驚

或如龍吟水晶闕老魚瘦蛟舞縱橫或如鼉虺摩雙軸
迴環氣力九牛併或如蒲牢敲百八振蕩神魂羣動醒
傳聞島夸多工巧風琴之作亦其徵我友亦傳世儒將
巡邊昨向澳門行首長歡迎奏此樂師旋倣作神專精
器成更出澳蠻上能令焦殺歸和平綏頷秦樓慚細碎
鸞鳳偏喜交洪鳴雄中黃鐘雌仲呂洋洋直欲齊咸韻
他日朝天進樂府定有神鳥來儀庭

輓姚非漁明經

無端鵬鳥上承塵塵土空埋似玉身少日貌推城北美
中年詩學劍南新風流自喜終成病才調縱高不救貧
遺恨白頭還作誄夜臺休憶茂陵春

壽郎亦傅副戎母蔣太夫人二十韻

單棲雌黃鵠衆雛賴扶將扶將成羽翼飛鳴表禎祥維
我太夫人十六耀明粧十七嫺內則十八工文章十九
相夫子命婦朝未央四十持門戶守節稱未亡教育諸
賢子大器成棟梁長子承封爵仲子鎮岩疆叔子隨豹
尾赫赫羽林郎四五未仕宦衣冠遊上庠五子俱入室
一室生輝光茹荼三十載方酬素所望客歲隨仲子鼎
養來炎方炎方師貞吉坐嘯致平康有子兼文武僉曰
母賢良值茲梅雪候設悅羅酒漿人士偕將佐迭進南

山觴僕交仲公厚弟昆齒雁行懼同斑衣舞拜母上高
堂稱詩陳盛美彤管流芬芳

寄壽車邑侯尊公平岳太史二十韻

莢花含藻彩文竹發菁英川岳同鍾秀賢良乃篤生螢
囊為世業虎榜振家聲今上求言切先臣以直名黃
門勞奉引綠野荷恩榮膝下傳經立天邊射策行英
雄欣入穀館閣羨登瀛手撰詩書富樓藏賜予盈內曾
操史筆出復秉文衡西粵材全拔東甌士有成鴻方漸
陸起鶴更在陰鳴杏苑橋仍梓桂林弟與兄一門高甲
第三世美簪纓紫水山陬邑黃雲海上城長公持檄至
賤子摳衣迎承流親雅化溯本具深情蚕月春風藹花
時曉日晴懸弧逢令節稱兕隔遙程緲緲燕山峻悠悠
楚水清頌言憑驛使遠為九如賡

珠燈得七陽

的的攢成綺蘭膏葉正芳千行淵客淚重暈燭龍光與
月原同體為星各有芒火珠才一顆爭得重明堂

除夕前四日郎亦傅副戎招同麥仲詒許亮專集
玩鵞書屋賦用九佳因東社中諸子時仲詒歸

自羊城

幕府筵開節侯佳東風送煖入衙齋騰餘四日催年改

人返三城拉友偕花綻園桃紅壓檻葉舒營柳綠盈階
羣公共有歲時感好放詩心入酒懷

開春三日過玩鵞書屋適郎亦傅副戎招同麥仲

詒茂才許亮莠處士讌集用文元韻各賦七律

二章別後却寄因柬社中諸友巳亥

洪鈞初轉暖氤氳幕府人趨共校文莫羨歲時三葉報
壇場風雅二難分春情艷似莢花紙酒政嚴於細柳軍
樞謁正欣逢勝會媿無佳句謝同羣

出府歸尋海上邨春潮新上舊籬根花舒蝶翅流紅影
柳似鶯兒帶綠痕冶宕風光宜賦客合離心緒泥芳尊

故人應亦憐同調幾處深宵望戟門

開春示觀耀

顧我猶前日承恩已十春易荒惟歲月難報是君親民
社真吾事門庭屬爾身克家無異術正位在家人

人日郎事寄郎亦傅副戎暨社中諸友

心似三秋別年開七日春那堪來復候仍作索居人山
色蛾眉淺潮痕鳳尾新遙憐賦公讌挾藻荅芳辰
薄蝕消元日陰霾復此辰如何仁愛意多在太平春鶯
以禁寒寂花仍冒雨新羣公推博物一為究天人

人日擬韓偓疊前韻酬亦傅副戎

花貼金屏煖香生角枕春佳期聊復爾勝日却逢人夢
好愁難續粧殘覺倍新願為結綵線玉手印芳辰
麗景憐芳歲離心悵別辰韶華剛七日恩怨又初春辛
菜沾唇淺飛花上額新為言剪金勝勿剪獨眠人

將之鐵城離席同賦長句四截

鐵城四面湧鹹潮迢迢江程一日遙貪看縣花尋茂宰
東風初試木蘭橈

酒杯連日醉春陰小別仍關作客心預恐明宵掛帆席
滿江風雨動離吟

翠微地與澳門通番漢人家互市同雨過鐵城遊未得

此行還恐又匆匆

滿堂紅燭照離尊小暖輕風近上元返棹肯辜良夜約
春燈携手踏千門

元夕詠瓶中碧莖花同用一東

仙樹瓊枝自作叢斃瓶供向綺筵中燈邊弄影銀花合
門內窺人玉面同蓬島露華凝未散武陵春色澹成空
惟應三五良宵月相伴無言對好風

筆床同用十蒸

琉璃硯匣舊同稱揮罷如椽藉爾承夢去可能逢郭璞
裝來應共羨徐陵千人陣已歸衾枕萬紙書仍繫寢興

回憶十年風雨夜高眠相對似良朋

菜花同用六麻

初薦辛盤葉正嘉提籃旋見滿叢花吐時味佐幽人饌
開日春盈野老家已笑紅莢緣盡畝却教黃蝶繞籬斜
子成更遣園丁護歲歲萌生未有涯

紫蘭

一名賀正蘭

元日先開有秀蘭初時堪並椒花看階前艷亞昭容袖
谷日光涵侍從冠鶴羽拂叢風正暖燕支着地雨初殘
迎神更不勞湯浴氣色東來已滿欄

菊秧

經年曾不啟籬門三徑遺芳尚有存幾度春光催嫩葉
無窮秋色聚孤根餐英預作涼宵夢出土先承細雨恩
持贈佳人知未得倚欄空斷別離魂

自斟壺歌

酒人多簡率制器亦匠心壺以自斟名酒力隨所任或
飲一斗或一石相去奚啻丈與尋世人非我焉知我自
斟始得適其可莫慮當場不盡歡縱不沉冥醉亦頗貴
人公讌啟華堂堂前作使邯鄲唱酒行長跪稱上壽往
來如織勞趨蹌一設此壺省繁縟兼銷貴踞除矜張何
况論文同杯酒爾我形骸復何有旁觀尚不許公榮壺

尊肯假他人手假手於人讓亦爭反令遲疾不相應不
如提壺自斟酌鯨吞虹飲暢吾情君不見因人碌碌少
成事事成往往由於自

洗竹同用七虞

雨荒簷外竹一為洗繁蕪遠俗何妨少為生自不孤疎
宜明月度淨有綠烟扶藉此成高節寧嫌去取殊

水松

喬松種類天南異不產岩巒產水村積翠詎資嵐氣潤
為濤偏近浪聲喧地忘卑濕貞心見迹避高危錯節存
同是後彫誰識得海門經歲似春溫

春柳同用四支

流鶯聲裡綠絲垂怨入東風豈易支橋畔幾回揮手處
樓頭一望斷腸時多情在物猶如此可愛當年却似誰
願得雙株早移植荒園烟雨正離披

新桐限十二侵

古井寒泉氣久侵朝陽送暖又如今雨餘碧幹生微潤
月到銀床有薄陰宮裡乍萌千種恨樓前先感一秋心
禁烟早報清明近公鳳憐花自解尋

青苔

細雨才過色便勻東風門巷淨無塵曾誰許入繁華地

愛爾能畱寂莫春臺榭久荒愁共滿宮闈深閉恨同新
幽居却恐人行破要伴殘花作錦茵

鐘聲

山鐘迢遞出林丘迴響長依古石樓水落空江隨月渡
風傳大地帶霜流歡娛夢破蘭閨夜離別魂驚葦岫秋
回憶上方曾寄臥百年心向此中求

謝崖關新居醱醑盛開與陳崑霞太史巖荔村麥

厓山兩茂才同賦韻限七陽

葉叢刺短軟枝長暈帶紅潮上淡粧艷復有香誰比得
醉憐無力倩扶將經年靜置疎簾外此日新移玉鏡旁

爭羨瀼瀼甘露好無窮芳澤待君嘗

仲春承車望亭明府郎亦傅副戎約舉社事因東

諸同人同用四豪

吟社關心首重搔無邊春色待揮毫藉來草似花茵軟
聽去鶯爲鼓吹豪文酒風流趨雅化騷人詞賦在吾曹
登壇幸有神明宰鞭弭相將肯憚勞

小松限一先

才見盤根便可憐虬枝半尺得天全蒼茫尚帶空山月
披拂長畱短檻烟土瘠氣蘇滋潤後歲寒心具發生前
衆芳此日誰如汝不待迢遙十八年

春日看秋海棠限十二文

淚結寒花自昔聞看從今日倍憐君春前已逗秋風恨
醒後仍餘宿酒醺胡蝶去來驚異色杜鵑紅艷偶同羣
多情漫向東風嫁畱伴芙蓉十里芬

李長吉古破錦囊歌

錦囊織作亡歲時七襄疑出天孫系照人古色侵眸子
虫穿鼠嚙還陸離隴西才人生癡愛距驢行處奚奴背
貯將心血結牢愁鬼氣難藏露破碎夜夜探囊續艷篇
啼紅怨綠吊空天一自宮神召書客錦囊變幻成雲烟
樓瑩白玉銀潢外囊與天章同顯晦人間尚有囊中句

長為斯囊畱光彩

白鷺

鷺亦尋常畜堪憐是素風沙晴連月澹浦夜帶霜空鬪
鴨閒相逐浮鷗潔與同羣公多墨妙愛盍敢輕籠

書蘭亭序後

蘭亭幾度悵風烟閱盡前賢又後賢不有斯文傳盛事
至今誰憶永和年
齊觀生死與彭殤誤事清談自老莊典午諸賢成痼疾
斯文誰識是良方

送彭慊思遊姑蘇

麥秋天氣清和節素馨花散盈隄雪故人別我出庾關
要看吳門車蓋熱尊君吳門舊作家交遊意氣競豪華
使者李公司供御平原風義尤堪誇曩因趨朝遠奔
赴旬日淹畱同道故萬里君方捧杖隨獲交孔李通情
愔任昉孤兒苦食貧素冠葛帔逐風塵羊舌逢之應泣
下解衣分宅詎須論僕亦天涯長浪迹廿年兩度姑蘇
客金閭樓閣接山塘至今夢魂忘不得此中最是故人
多酒會詩場近若何到時先報伯通道梁鸞早晚重相
過

種魚限十灰

遠向江湖得盈筐作貫來苗憐一寸小池羨九洲開取
捨關生育淪漪卽治培但期觀爾樂不必待驚雷

寄生草限八庚

啣來從鳥雀根向樹梢萌離地聊爲命因人得所生不
材徒附麗異種共枯榮碌碌笑公等何曾事自成
眼鏡得八庚

不知何代製旭日兩輪并藉爾重離象慰予四射情老
來疑返少蔽去却增明夜夜披殘卷相將樂此生

爐罩

綺縠爲爐罩方停面面勻真疑籠薄霧寧肯受纖塵寶

色藏仍見餘香畜正新從茲荀令座蘊籍更宜人

同年李穆堂學士祭告南海賦贈兼送還朝

虎門宮殿控鼉梁祭告南來劍佩香
聖主懷柔先海若使臣風采耀扶桑
蜃噓樓結空中出日浴波涵夜半
光無限奇觀歸史筆圖經從此獻明堂

祭戟將歸玉局中中流笳鼓震鮫宮
離筵荔燦紅雲影仙舫帆移白雨風
路入鄉園歡壽母詩傳京洛動羣公
敢嫌乘傳趨朝速想望為霖四海同

桂宮杏苑舊相隨十載蓬瀛獨受知
風滿金螭陪宴處日臨銅鶴說經時
孤寒士子勞甄拔騷雅壇場待鼓吹

下里得頒元晏序一函星月照南離

端午值夏至詠蟬限十四寒

夏從午日至蟬噪滿簷端陰氣乘陽壺
炎風帶露寒無情榆樹碧有約荔枝丹
莫笑隨鳴鴟還同高潔看

筆洗

玉毫憑洗濯常見墨痕侵物有藏洿
用人懷自潔心不緇原自命皆濁已
如今青簡微勞在誰能較淺深

竹杖

竹老栽為杖青青意不忘獨呈君子節
多伴丈人行孤直吾尤愛扶持爾所長
化龍那用早五岳正徜徉

蒲團

自製蒲團好山人手所經與霜為一色規月得全形佛
會跌精舍僧來共草亭攣榆華屋滿取伴竹燈青

篚笠

篚笠稱高髻相携得自今可能孤月並直作片雲陰巧
出良工手涼生野客心乘車肯相下猶未媿華簪

薰籠

南藤配楚竹結束共成窩用法兼疎密為功在綺羅貴
宜金鴨並愛受玉人多含笑吹燈後餘香奈爾何

鈿尺

最適蘭閨用還饒金粟鮮勢原分寸積數已始終全長
短思難定校量任獨專因君成熨貼怪得美人憐

鏡臺

聘自何年下添成金屋春夜函明月滿朝拂綠雲新玉
手畱香印花鬚落細塵有誰能近得羨殺畫眉人

剪刀

兩股并州鐵相交用始成花從裁處落蝶向腕中生拈
每憐宵冷停應感別情何人欄檻外潛立聽分明

讀吳梅村先生詩集限十三元

鼎革年中多作者詩篇吾獨憫梅村撫言堪補前朝史

紀事難忘舊國恩三楚悲歌山鬼在二南風雅黍離存
有明後勁憑餘勇身世遭逢且莫論

女史雜詠

自古喪以半由女禍偶讀史傳輒肆譏評復於宮
闈之外益以閨中曲中諸人非徒艷彼才情聊以
著其醜毒庶使覽
者知色荒之戒云

息妃

息國傾緣汝誰能爭麗華無言人更愛不媿號莖花

西施

坐使東吳沼蛾眉毒最深策勳有遺恨不為鑄黃金

衛皇后

一自更衣入誰曾更受恩咒詛復何事仍合賦長門

趙皇后

掌上誰能舞昭陽獨受恩枉教來赤鳳猶自啄王孫

趙婕妤

玉體溫香滿君王寵愛深那能窺出浴還惜袖中金

甄皇后

君王難寄語畱枕枉區區賴有微波托神人道未殊

鬱林王妃

行樂少年事深宮語笑長最憐鬪腕力沾盡粉痕香

馮淑妃

往年初進御相賞在胡琴代邸調絃日誰憐斷續心

潘淑妃

宮市無端散遺踪尚可憐梁臺多絕色誰敢踏金蓮

徐元妃

漫憶嫁時雪遙憐角枕香多情垂老在今古惜徐娘

張貴妃

天上張星好人間願已酬相携墜管井亾國亦風流

陳夫人

一受同心結芳情定自今風流遜張孔管井與誰沉

楊貴妃

近代論傾國還應數太真漢宮須讓汝天子未蒙塵

花藥夫人

舊愛終難斷深情見畫圖宋宮詞最好得似蜀宮無

文君

擇對憑新曲自言能審音琴心不可測翻作白頭吟

賈午

貴婿窺簾得佳期卜夜來莫嫌香氣苦香氣是良媒

莼葉

莼花矜絕艷莼葉艷於花渡頭千萬朵那得比容華

莫愁

石城佳麗地兩槳共行遊堪笑洛陽女嫁遲未免愁

薛校書

多情春望詞蜀錦輸佳麗莫破浣花箋美人餘韻在

劉采春

妙曲傳囉嘖芳顏更絕倫掃眉有才子采盡鏡湖春

序列以時代為後先然必先宮闈次閨閣次青樓
遵古選詩例也至宮闈中人各稱位號亦猶詩人

象服山河
之意云爾

季夏集玩鷺書屋喜某守戎至自循州

歡尋社事廣開筵知已剛來薄暮天柝竿共邀熊海月

襟裾猶帶鱷湖烟三春舊雨如前日兩月離心似隔年

蚤晚勝遊還有約羅浮地主屬高賢

聽友人談循州西湖之勝因約同遊得同字

鷺城西郭曾臨眺豐鱷湖光十里同近水亭臺明鏡裡

依山樓閣畫屏中誇談境似身重歷迴憶遊憑夢遠通

正好共搖雙槳去解犀橋畔又秋風

仙城七夕寄懷郎亦賞副戎

三城為客久蹉跎佳節俄驚渡鵲過靈匹漫嫌歡聚少

良朋翻惜別離多心情正似蛛絲結風雨如晒犢鼻何

君是汾陽饒勝事天孫曾否下銀河

早秋車望亭明府招同郎亦賞副戎暨同社諸子

集寧遠堂因懷萬孺廬太史

百物慶初成官衙豐暇豫瓜果有餘興召客長筵鋪同
官與部民先後遙奔赴為歡藉栢槃相賞在詞賦詩成
月方高中懷各傾吐凝情望青霄撫時驚白露忽憶玉
堂人隔歲來花署歡聚曾幾時騰驤倏天路人事若萍
蓬合離無定處會當隨雙鳧帝城尋道故

中元後二日知政橋落成喜賦得七虞

新橋更過舊規模况值秋光滿路衢靈鵲經旬辭渚畔
長虹此日落城隅題詩漫詡漢司馬知政全勝鄭大夫
不待嚴寒先利濟萬人來往共歡呼

朱槿得二十六宥四質

常時落更榮春晝復秋晝芳桂少朱顏穠華君是首
火色受朱天繞籬騁艷逸舒華每及晨長映扶桑日

歸鳥

已逐閒雲出寧辭向夕翻機於翔處審聲以集時喧物
理原趨靜天心亦厭煩故山林薄影最好是黃昏

仙城客舍與馮自我同門話舊因寄郎亦賞副戎

暨社中諸友

客中携手戀同羣一席深談酒半醺世路恩仇成驟雨
行踪聚散任流雲燈邊亂葉參差起樹杪吟蟬斷續聞

憶逐龍驤觀競渡隔年容易又秋分

樓臺雜詠

郎亦賞有八臺十二樓之詠情深古跡調絕今人
余亦艷厥才華因而謬為摹倣其望氣鎮海二樓
已有舊作不復重
題共得十八首

黃鶴樓

憑欄天外豁雙眸山自高盤水自流黃鶴已迷今日影
白雲空剩古時秋洲中鸚鵡騷人恨江上烟波逐客愁
欲向飛仙學冲舉茫茫何處覓丹丘

景陽樓

端門漏遠景陽開永巷鯨音趣夢回萬騎盡隨遊幸出
五更頻為洗粧催雞鳴埭每繡襦滿鳳度橋看反縛來
王氣頻年那壓得空留鐘簾待梁臺

文選樓

莫怪登臨感慨生風流誰得似昭明五臣博雅空詮次
六代文章自品評每歎立言堪不朽休論繼世屬無成
從來選體詩人貴白首猶深願學情

八詠樓

詞賦休文最擅場一麾曾出守東陽人歸任托三朝重
樓在詩傳八詠香寶婺蒼茫嵐翠遠畫溪深淺水流長
山川雖美非吾土今古憑高一望鄉

華萼樓

友愛諸王共醉歸樓頭花萼互相輝歡娛正可為長枕
昆弟何妨似布衣漫從金輿矜隊伍寧應玉笛竊宮闈
若論喋血禁門事斯道如君亦已稀

風度樓

曲江重上舊時樓往事空隨歲月流燕入玉堂曾幾日
書成金鑑已千秋臣心潔與韓瀧似人品高堪庾嶺儔
莫怪倚欄頻想望當年風度在凝眸

籌邊樓

萬里橋西一望通籌邊樓倚夕陽紅山川謾詡蚕叢險
方畧還推李相雄六詔風烟欄檻裡諸畚形勢畫圖中
後來亦有太原守未戰先謀一轍同

燕子樓

謝絕鉛華獨掩扉合歡床冷下孤幃斷絃那用鸞膠續
故壘惟容燕子歸紅袖十年香易散白楊一望樹成圍
青樓節義如卿少誰讀遺篇淚不揮

岳陽樓

岳陽樓倚楚雲端氣色蒼茫萬象攢水濶江湖全入檻
天空吳越一憑欄佩紉澧浦秋蘭馥瑟鼓湘靈夜月寒
自是騷人哀怨地思鄉懷古恨漫漫

碧玉樓

待聘珍為盛世欽樓傳碧玉重儒林明王倍切他山望
徵士難忘韞櫝心廬阜花從藏處發江門水向靜中深
莫歎寶色流輝遠一片陽春自古今

九成臺

歌舞遺基總易傾虞絃今獨有遺聲聞齊味可忘三月
適粵臺還剩九成天近蒼梧雲共暗江連斑竹月同明
高憑欄檻看韶石一日南薰萬古情

姑蘇臺

西施遺迹在荒丘萬古歡娛萬古愁
攜李仇從歌處解勾吳業向舞時休
綺羅氣暖春宵路花粉香濃月夜舟
聞說效顰君莫笑人今猶學舊風流

西刻黃金臺

滹河一路雪霜催貪看招賢舊迹來
簡策獨傳燕國事古今寧乏郭生才
亦知買駿先求骨却羨捐金為築臺
貲乃為郎憐賦客祇應臨眺重徘徊

戲馬臺

烏騅無影霸圖空戲馬猶思叱咤雄
七十戰超兵法外八千人散楚歌中
嬌嬈魂魄依纖草寂寞臺隍接大風
亞父不畱奇計少虛言野死為重瞳

歌風臺

臺邊人競說高皇豐沛龍歸飲興長邑在千秋畱湯沐
歌成兩漢讓文章望雲早已知新命衣繡誰曾在故鄉
除却韓彭無猛士還應喜極更心傷

銅雀臺

鴛瓦虹梁已盡傾曩時銅雀舊宮城奸雄未釋春風恨
松柏空聞日暮聲每憶帳幃陳酒脯可能歌舞若平生
西陵豈必非疑塚虛負當年悵望情

鳳凰臺

獨上荒臺感慨深元嘉遺事漫追尋鳳凰遠去無消息
龍虎高盤自古今江左豪華祿六代騷人身世托孤吟
長安不見勞瞻望千載悠悠共此心

妙高臺

安禪人去剩高臺疑向波心獨步來曉暮江雲四面合
清明山郭兩涯開空中色相誰能設定後狂瀾亦自回
粵海有臺相恍惚標題曾是長公才

八月十四夜讌集各賦席中一物分得菜

中秋筵預啟饌似野人家兔待一痕滿鮭逾幾種奢傾
筐融露氣上箸滑霜華添得良宵興微香雜桂花

遊矜山寺

古寺重尋歷險巖憑高老眼望偏宜天連交廣雲千疊
峽鎖牂牁水一絲漱玉泉寒堪試茗碎瓊梅綻恰盈枝
佳遊何事翻惆悵腸斷猿啼憶舊時

八月十五夜月同郎亦賞副戎作

四圍星影澹無光高下照來一氣涼天到無雲方是潔
人憐清夜不知長行看階砌疑成水坐覺鬚眉易變霜
故國幾何逢此夕况當晴霽共壺觴

郎亦賞偕社中諸子讌集用梅岡集中韻同賦西

岩秋霽二章見示因和

雨後增新爽人家盡倚樓飛流千澗淨殘照萬山秋此

景西岩最剛逢上客遊瑤箋佳句滿真不負清幽

憶向孤亭坐羣山與檻平天光無遠近一片是空明堪

使秋心靜况經雨脚輕翻憐不同賞空有夢魂生

送車望亭明府督運入都

轉輸方物擇能臣暫歇揮絃馬汗新才富豈容辭鞅掌
民勞應得藉敷陳星邊待漏金門曉花裡趨庭玉局春
為報還轅須及早岡州多少望恩人

藍采飲將為聖池之遊有詩先柬用微尤元韻賦

荅并速其來

武夷溪九曲勝迹自來稀詎識聖池瀑如開玉女扉散

為珠錯落滙作鏡光輝未必閨中減期君一振衣
近得君來信言將及九秋會乘風雨近同看雪霜流地
是潛虬窟人為顧虎頭詩成更圖畫不負此佳遊

贈瓊南郭冶谷通守時攝岡州篆

東南名宿舊詞人通籍才冠侍從臣視草久聞揮翰速
代庖初試佩刀新星辰夜徹朱崖曉雨露秋生綠護春
鳳閣追隨慚未得高軒何幸接清塵

重陽前一日詠菊葉分得頭字

重陽明日是菊蕊傷籬幽氣已三秋足期仍一夜留芳
心長似結佳節若為酬得共笑開口寧辭插滿頭

馬山鐘樓

城裡青山高萃律鐘樓更駕青山出樓為重樓樓八窓
縹緲孤高勢莫匹俯瞰岡城若彈丸萬家烟火指顧間
更遶崇階遙縱目山川形勢入憑欄東望廬山呈螺髻
海濱鄒魯風猶在北望黃雲接斗壇佛踪仙迹此中存
西南巨浪滔天起趙宋故宮殘照裡今古蒼茫事已沉
登臨空感歲時心卽如此樓建置久夜夜蒲牢天際吼
至今鐘簾亦烟銷摧殘磨滅記誰某要從今日復古初
諸公謙讓胡為乎

遠帆分得二冬

茂山堂二集
帆遠信風勢波濤知幾重去隨雲影盡來隔水烟濃隱
約征人夢迢迢海客踪莫令思婦望添恨上眉峰

九日馬山登高得四豪

孤峰突兀入城高佳節相携散鬱陶簾幕千門開晚照
霜風一氣捲寒濤栝傾笑口歡宜盡帽落華巔興倍豪
此會明年愁作客故園回首夢魂勞

登馬山望楚雲臺

山臨埤垠曉烟開盡日江干有舊臺草露荒涼人已遠
白雲猶似楚中來

楚雲縹緲嶺雲深今日遊人昔日心莫倚城頭空悵望
滿懷風月待清吟

九日登馬山懷車望亭明府

入城山勢出城頭登值重陽宿霧收綠護峰疑經雨洗
二厓水自際天流紅萸莫惜芳辰醉黃菊難忘隔歲秋
神宰暫離勞想望聖池飛瀑憶同遊

秋郊觀兵呈郎亦賞副戎

踏殘衰艸馬成羣秋獮旌旛八面分將帥威名傳鼓角
陳圖變化起風雲曾瞻翰洒三千牘誰識胸藏百萬軍
從此萑苻消有象洗兵涼雨下斜曛

補禳颶詩有序

夏至前一日風勢如颶郎亦賞副戎偕令子公和召同許雁洲亮勇喬梓麥仲詒何大山作詩讓之用杜工部東南飄風動地至句分韻雷地字待余時不果作今聞南澳颶災甚烈而吾岡州獲免未必非讓之力因而補賦凡二百四十言

維茲已亥歲夏從午日至未至前一日陽已為陰閉靈雲竟障天雷聲不奮地風生東北隅先柔後震厲一氣恣奔騰觸物紛鳴籟有時作羊角旋轉上空際倏雌而倏雄反覆再三四爭傳颶母來先期鍊風勢念當長養時禾稼始成穗菓實泊瓜蔬並關終歲計若果遭憑陵間閻何利賴有位重民生目覩輒心悸呼訴約朋儔祈禱憑文字授簡遙見頒徒作下風拜近聞南澳中飄搖灾方大物產少存留人畜多摧敗此邦獨無虞地同天有二母乃高聽早三舍勞退避始信仁人言轉移良匪細而我媿無功迴思增感慨修詞比綠章相繼謝屏翳為言粵海濱蒼黎俱凋瘵願永罷揚沙無分疆與界庶可阜民財為功在 聖世

秋杪宿玩鷺書屋憶昨江門舟中相左因而有作
同用四支

來帆去掉各心知邂逅無因悵別離浦淑在勞連夜夢
栝槃剛協此宵期葉聲滿地風過疾星影臨牕月上遲
莫惜連床談達曙暫時分手即相思

酬郎亦賞副戎玩鵞書屋獨坐見懷次元韻

鏡開前後池池上孤亭殿入望總空明况逢秋氣爽主人擅詞賦風流吾所仰此地日唱酬何殊谷荅響偶為穗石遊離心江月朗相念見清詞緣情非矯強轉憶高吟時真有天際想

觀穫稻

晨興適近郭竚立縱遠眸腰鎌諸田父畝首各分投終年勤手足所期在有秋今逢霜節至黃雲覆隴稠銍艾偕婦子負戴盈道周稌穗有遺利歡笑溢西疇平生懷沮溺世紛撓所求何當老農圃蜡臘相勸酬

秋塘夕泛承郎亦賞副戎偕令子公和招同許亮
勇何大山作用陶靖節遊斜川韻

寒冬逼秋盡一年行將休感此歲時晚招邀集舊遊爽氣盈積水鼓枻泛中流遙追觀魚樂相與狎眠鷗倒影鑑澄瀾悠然見崇丘恐負林塘勝壺觴命侶儔日沉更秉燭歌賦相唱酬來歲當茲辰知同讌會否人世若浮萍聚散生離憂但得長歡笑此外復何求

同郎亦賞副戎東何蒲澗光祿乞菊

霜前百卉紛搖落晚節花開偏綽約幽人遲暮有深情往往于茲憑寄托幽人寄托竟何如光祿園林似隱居

竹松三徑叢栽菊種色黃紅紫白俱細柳將軍賦秋客
每讀離騷思採摘城南城北阻追尋恨不籬間置枕簾
兩賢幽逸共肝腸應將秋色均林塘詎爲神仙資服食
但期狂客佐壺觴僕生無限冰霜意原與此花同氣味
願君徧向故人分供我往來看花醉

詠大理小石屏

琢屏滇水石小亦具山林潔白姿仍在烟霞癖自深含
章憐勁骨難轉憶初心莫漫嗟微細剛方尚可任

立冬前一日集玩鷺書屋詠早梅同用四支

立冬剛是送秋時却讓梅開一日期春在肯隨寒後入
香來誰許雪先知江山自此忘搖落南北分明有早遲
不待花繁便同賞爲愁寄贈費相思

立冬日集玩鷺書屋詠寒塘同用一先

冬朝冰結自來傳地煖依然水色鮮衰柳岼高波漸落
枯荷葢剩影還懸鴨欄每共風前倚漁艇誰從雪後眠
爲報迎寒須盡醉纔生春草便經年

冬夜燈下小酌詠壁間菊影

良宵歡賞菊燈影信天工節是風霜後芳傳恍惚中高
寒終不改繁艷已全空清淺梅花水差堪與爾同
玩鷺書屋賞菊兼酬何蒲澗用何報東元韻

秋來百卉皆搖落况兼前宵風雨惡惟有秋花晚節存
逸姿不許凡花托黃者桂漸金粟香紫者堪羞紅佛桑
復有丹顏傳鉛粉絕勝朱華勻曉霜何處能尋種種色
搜徧山城殊寂寂傳聞光祿園中多曾與將軍裁詩索
分來驟得挹幽清笑口齊開掌共鳴斯時席中方倡和
謬為將軍繼前聲啟緘忽展報章誦句與將軍同飛動
蘭秀菊芳正平分葩壇指揮俱堪奉沉吟看花几筵邊
無才深媿此花鮮題句歉隨彭澤後餐英却追騷人前
一回諦看一浮白相對真如舊相識孤芳落落有同情
都忘紫白與黃赤生平愛酒更愛花花惟尋覓酒惟賒
今朝得隴復望蜀索醉還到羅舍家

再疊前韻酬蒲澗

菊花經秋開不落孤芳寧同蕭艾惡幽人往往共餐英
離騷心情於茲托名園爭鬪百花香邇來興廢成滄桑
石浪園林獨不改千叢萬朶凌秋霜記得去年對秋色
孤吟未免歎寥寂承君召我右將軍盤桓花下慰離索
酒有聖賢分濁清詩應律呂相和鳴昨與將軍偶憶及
作詩索花同寄聲清風穆如煩寄誦對花展玩心魂動
會中真不媿桓文牛耳登壇素所奉自顧微才困幅邊
每對爭練媿澄鮮况有將軍為倡和才鋒犀利難為前

譬之籬菊鬪黃白幽逸相同人共識同時亦有拒霜紅
未免施朱嫌太赤幸承不棄約看花咫尺城南路非賒
但恐無句為花贈難與何遜論詩家

三疊前韻酬何蒲澗

貧居一水環村落可云荒僻非云惡園林浦淑依空山
茅齋數椽聊寄托無如三徑少芳香遶屋但栽麻與桑
近與將軍為密友蓮花幕裡吟秋霜君家秋菊矜殊色
芳菲分得破岑寂筵開花下日醉吟詩成屬和頻相索
將軍橋梓才思清雛鳳能繼老鳳鳴一時氣機相感觸
詎令百鳥能禁聲獨恐擊牙不堪誦令人破笑顏動
忽承齒及更見推毋乃虛譽徒相奉君詩波瀾濶無邊
不同沼沚校芳鮮重複倒流傾三峽萬人辟易誰能前
半生壇場頭空白我本狂生人共識狂雖不減力不加
賈勇枉隨漢幟赤羣公酬倡不在花矜華鬪麗意正賒
藉此流連忘夜永真令彌月不思家

四疊前韻酬何蒲澗

西風草木多黃落况值冬來風更惡騷人何處寄吟哦
唯有菊花情堪托始知陶潛三徑香絕勝成都百樹桑
得此真堪為佳友却笑芙蓉號拒霜小春梅未見顏色
水畔暗香猶寂寂分來蓮幕許相親舉柸高吟那用索

羣公詩詞逸復清唱酬信足叶嚶鳴堅光古色盈篇牘
擲地應作金石聲一回詩至一回誦喜獵心隨笑口動
况承重叠投所好何異醇醪頻見奉沉吟琢句向籬邊
要與羣公共鬪鮮自顧終覺慚形穢恍如珠玉在當前
世人論詩如堅白異同各自矜殊識今幸氣味得相投
獎借榮於眼前赤品詩還宜更品花花歷秋冬芳意賒
譬之詩中有陶謝洗盡鉛華自一家

五疊前韻酬何蒲澗

咳嗽珠從天上落燕石得不媿頑惡承君笑我報瓊遲
短襟肘露何辭托諸公詩矜錦繡香不數羅敷陌上桑

自顧無才退三舍敢思妄得紫瓊霜却緣此花有佳色
花神每嗤人寂寂謬與諸公同解嘲倉皇強將枯腸索
無如疊來句愈清瀑布飛落澗泉鳴揮毫疾書頻往復
敏捷何殊谷荅聲傳來未得詳細誦秃筆欲拈何由動
締思淺薄終難藏不妨魯酒向人奉虛勞展向碧欄邊
少文羞與花爭鮮即使相酬不落後播揚終媿稗糠前
尋常取青聊譬白補綴祇應人盡識憑君卷舒成五雲
相將共照南離赤不須持鬪六出花開到寒梅秋已賒
好移宋玉賦秋興羅浮去訪美人家

冬夜詠燈花同用七陽

分得蘭膏一片香滿繁春色溢幃房縱逢霜雪寧愁謝
不待栽培已自芳穠艷每隨清漏永孤根仍與熱心長
閨人驚喜何勞笑嬉子曾先報畫堂

冬草用二冬十月朔日作

不知秋燒後冰雪幾多重雨露恩猶在萌生氣已封離
人記別路春女憶遊踪歎息佳期晚王孫尚未逢

古岡冬柳

海濱風氣暖冬日柳垂堤學舞枝全老如眉葉尚齊懷
人空鬱鬱惜別倍淒淒絕勝江潭路長條壓雪低

野燒

夜景憐冬燒流光照水村龍行平野外帶匝遠山根澗
戶雲應熱林扃日易昏尋僧明日去蠟屐破灰痕
初望星星小因風勢漸繁人情戒抱火世事惜燎原真
有摧枯力誰施撲滅恩明年陳舞席何處劫灰存

小春集五畝園觀桃花得四寘

小春竟如春草木盈生意何處寫芳情城南選勝地相
期五畝園杯酒論文字右軍偕將佐曠懷屏從騎公子
佳翩翩相隨攬鞭轡故交五六人夙昔同氣味杖屨得
追陪心情堪藉慰中讌感物華長林窮眄睇蘭菊雖芳
菲猶曰適時會隔樹有天爽獨標嫣然致臨風寂不言

帶露空疑淚堪將人面同銷恨因微醉此乃艷陽姿花
忽冬前熾錯雜用生成造化殊狡獪俯仰不隨時吾曹
有同志詎須春夜宴始揮芳園觴會合苦難常要約何
妨亟却笑武陵漁重尋路難記

嘗茶

懈眼翻才罷麤鷗酌共嘗淺深分葉色高下辨泉香客
醉吟偏苦僧來話正長石床風不到兩腋自生涼

汲井

香奩體得十蒸

轆轤聲轉促晨興笑倚銀床下玉繩碧甃正涵千丈雪
銅瓶初引一條冰花光艷盞還須養粉色調多覺倍增

曾否君心能似此一生長得共清澄

金銀花

黃白何多術花開自作叢通神雖未得已解買春風
黃白術雖多春風買不得花獨艷春風通神翰爾力

舟過坡山有懷蘇長公同郎亦賞副戎

坡亭隔岬倚嶙峋仙侶同舟論逐臣有宋一朝誰骨鯁
惟公萬里自風塵寒江水濶餘殘照老樹烟深剩古春
始信升沉關氣運得時今日見才人

藥亭先叔夜泊羚羊峽口有月親高峽燒星夾遠

江燈之句陳獨漉先生和之已亥仲冬與郎亦

賞副戎許亮勇處士來泊於此適逢斯景因同
追和

舟維依古峽閒共柁樓凭燒截高峰月星參遠岬燈山
川遺迹在觴詠昔人曾追和同良友臨風一歎興

祝楊制軍四十韻

保泰勤天眷資賢秉國鈞誕奇應運會紹德邁羣倫
銅雀家聲遠從龍世澤新才洵文武並事試始終陳隋
厲三藩首提戈百戰身焚橋隨伐蜀修棧早平秦飲至
酬勳重推心委任真守戎抒豹略佐郡轉熊輪劇縣繁
花艷期門細柳春楚黃旌旆駐邊塞挽輸親奉世功方

大陳湯志定伸精誠貫白日忠義感蒼旻副聞漕河上
專征洱海濱禁兵須訓練王府待經綸司埭居官慎

江都作相醇邊陲雄駱越上將擇臣鄰鼓吹辭雙闕
烽烟靜七閩公名偏赫濯帝命博諮詢舟楫期援溺

雲雷合解屯爰開五嶺府來撫十州民凋敝時初起太
和境乍臻流恩週桂海奏最上楓宸詔令中台出
權衡兩粵遵風行旣肅肅雨霑復頻頻蛋戶謳歌洽
蠻習俗淳微陽今建子維嶽值生申絳雪零芳夜黃鐘
叶令辰菊仍畱砌畔梅已滿城闔介壽紛僚佐躋堂集
縉紳愛寧惟赤子歡已溢朱琅自媿樗俱散還慚璧未

純相如常賣賦原憲只安貧潔素存肝肺毀譽任舌唇
隱微能照燭覆載仰慈仁况欽搏風翼誰縱溷轍鱗瞻
雲思殿陛計日逐車塵皇覽逢稱慶華封欲效顰
願言固鎖鑰從此廣陶甄論道歸朝宇為霖盍海漚
甘棠枝下樹應許植平津

江上雜詠八首

菜畦

萬畝菜畦澗沿涯映碧波菜低隣菜淺花密覺黃多脂
澤關人事風霜奈爾何一冬芳意足生計未蹉跎

蕉園

大葉仍多子栽盈海岬田漫誇黃映日真使綠為天匪
席心能卷如荷絲共連越娘作締絡機杼自年年

燒痕

俱焚真可惜一望總蒼涼風火勢如見榮枯迹未忘寒
雲留片黑夕照失微黃莫漫收餘燼殘根生意長

纜路

平蕪界一線雲水共聯綿渡港魚梁截懸崖鳥道連江
湖無盡地力役少閒天願得長風借篙師倚櫂眠

村墟

共作日中市平原村落邊雁行分路直蟻聚匝場圓鉄

黍談雖瑣農桑事已全却憐人散後寂莫上孤烟

听樹

疎密不成列憑將認水程波瀾長閱歷輪囷見生平海
雨千重暗江烟一抹輕停帆尋野戍遠望最關情

棹歌

江程正浩渺欸乃忽聞歌是處敲舷起知誰鼓枻過平
湖波影靜孤嶼月明多濯足慚漁父還應喚奈何

帆影

一片孤帆影真同萬里心搖搖曾不定渺渺總難沉空
水無畱迹閒雲壓薄陰虛令湖海客俛首自成吟

鷺浦社題 九四題

春隱西施舌歌

西施流風久沉滅幻迹猶畱三寸舌五湖何路到天涯
引類懷沙深結穴漁人網得喜相貽

李義山詩西施因網得含珠

老蚌想依稀剖來軟玉能伸縮調羹上箸甘如飴天上
瓊漿差可擬江瑤之柱那得比食色於人性本同命名
取義更有以君不見館娃裡受恩多惟憑柔舌轉清歌
昔怡耳目今悅口西施西施奈爾何

補裘

歲久羊裘綻殊煩補綴工難將集腋比差與續貂同救

做得全力彌縫大有功依然堪物色莫戔水雲中

補籬

竹籬長藉隔風塵修葺寧辭作苦頻世事每從疎得密
物情休訝舊圖新護花力比前時健印月痕勝昨夜勻
野圃亦煩人補闕應知衮職待能臣

折梅曲

南枝梅早北枝遲開徧南枝又北枝寄到隴頭應悵望
故園春信已如斯
春到年年不待人梅花更不待春新殷勤為報歸人道
已後梅花莫後春



程